



# Historia di sklabitut kolonial hulandes i su konsekuensianan

Kompilashon di Konosementu  
(Kennisagenda) 2025-2035

Rose Mary Allen, Esther Captain,  
Matthias van Rossum, Urwin Vyent

ISBN: 978-90-834-2205-3

# Historia di sklabitut kolonial hulandes i su konsekuensianan

Kompilashon di Konosementu  
(Kennisagenda) 2025-2035

YANÜARI 2024

Rose Mary Allen, Esther Captain,  
Matthias van Rossum, Urwin Vyent



Introdukshon 7

Sekshon I: Aspektonan mundial di Hulanda su pasado di  
sklabitut kolonial 14

Sekshon II: Konsekuensianan di i maneho aktual di  
Hulanda su pasado di 37

Responsabilisashon 55

“It is not that Europe has denied its colonial history. It is instead that Europe has developed a way of telling the story of its colonial history that ultimately seeks to erase that history. (...) It frees Europe of responsibility, of a significant and traceable connection to the African present and it allows Europe the glow of charity. But the truth is that the past does not merely tell us what happened yesterday. It also illuminates what happens today. If we acknowledge that present-day Europe is shaped by the Renaissance of 600 years ago, by the Enlightenment of 300 years ago, then surely we cannot say that what happened 100 years ago in Africa no longer matters. (...) The history of Africa and Asia and Latin America must matter as well. We cannot pick and choose which histories and which points of view still matter, because to do this would be an exercise of brute power.”

— CHIMAMANDA NGOZI ADICHIE, *SPICH TRESÉ PA HUMBOLDT FORUM NA BERLIJN*, 2021.<sup>1</sup>

1 Keynote speech Chimamanda Adichie 2021, <https://www.humboldtforum.org/en/programm/digitales-angebot/digital-en/keynote-speech-by-chimamanda-adichie-32892/>.

# Introdukshon

Bo ta lesando Kompilashon di Konosementu (Kennisagenda) 2025-2035: ‘Historia di sklabitut kolonial hulandes i su konsekuensianan’. Ku e dokumento akí nos ke duna direkshon na investigashonnan di futuro i aksentuá puntonan di atenshon pa fasilidat kontinuashon di konosementu eksistente riba e tereno akí. Kompilashon di Konosementu (Kennisagenda) 2025-2035 ta derivá for di i ta sigui amplia riba e buki ku mesun título: *Staat en slavernij: Het Nederlandse koloniale slavernijverleden en zijn doorwerkingen*, publiká na yüni 2023 redaktá pa Rose Mary Allen, Esther Captain, Matthias van Rossum i Urwin Vyent.<sup>2</sup> E ta ilustrá loke ya nos sa di Hulanda su historia kolonial di sklabitut i kon a yega na formulashon di e konosementu akí. Alabes e ta trese dilanti kuantu nos falta pa sa (ainda). E ta mustra kiko e siguiente preguntanan relevante i e tópiconan pa investigashon benidero ta, pa asina por yega na mihó kompreshon i un análisis sistemátiko di Hulanda su historia di sklabitut kolonial i su konsekuensianan. E buki *Staat en slavernij* ta forma porlotantu un base importante pa e Kompilashon di Konosementu aktual ku por sirbi na su turno komo guia pa investigashonnan den e siguiente añanan.

Banda di e inventarisashon amplio di perspektiva-- i preguntanan nobo ku falta investigashon i ku *Staat en slavernij* ta presentá, a yega na formulashon di e Kompilashon di Konosementu akí hasiendo uso di investigashon di literatura sientífiko relevante (inter)nashonalmente, inventarisashon den mundu sientífiko, entrevista ku personanan klave di edatnan mas hóben i simpósianan ku a tuma lugá.<sup>3</sup>

A generá e Kompilashon di Konosementu a petishon di Ministerio di Asuntunan Interior i Relashonan

2 Rose Mary Allen, Esther Captain, Matthias van Rossum, Urwin Vyent (red.), *Staat en slavernij: Het Nederlandse koloniale slavernijverleden en zijn doorwerkingen* (Amsterdam: Athenaeum - Polak & Van Gennep, 2023).

3 Pa e lista kompletu weta e responsabilisashon na final i e Kompilashon di Konosementu akí.

di Reino (BZK) i komo ehekushon di moshon-Ceder.<sup>4</sup> E tin komo meta duna direkshon na desaroyo di konosementu tokante di pasado di sklabilitut i su konsekuensianan i komo tal e ta relevante pa gobièrnu mes i pa siensia, pero tambe pa enseñansa, patrimonio nashonal i edukashon.

E ta ofresé konosementu tokante e rumbo ku investigashon sientífiko ta dirigí riba dje resientemente i e manera ku nan ta apliká investigashon í kon lo mester elaborá riba nan di forma mas ekstenso den e añanan benidero. E ta sugerí temanan ku te ainda falta enfoke, pero ku basá riba debatenan den siensia i sosiedat, mester haña mas atenshon, den futuro serkano.

### Struktura di e Kompilashon di Konosementu

Den e Kompilashon di Konosementu nos ta dirigí nos mes riba konosementu i investigashon tokante di sklabilitut kolonial i su konsekuensianan. Obviamente esei ta inseparabel for di e kestion mas amplio ku ta e relashon entre sklabilitut ku kolonialismo, pero e dokumento akí su punto di salida ta primariamente sklabilitut kolonial. Den e kaso aki pues, ta sklabilitut kolonial ta e punto di referensia pa investigashon tokante di e temátika akí. Pa loke ta pasado kolonial den konteksto mas ámplio ainda tin mas pregunta importante i mas ekstenso ku ta rekerí un agenda riba su mes.

Ku sklabilitut kolonial ta referí na forman di sklabilitut ku a surgi for di ekspanshon kolonial europeo, kuminsando na siglo diessinku te final di siglo diesnuebe: ‘E estilo, funshonamentu i konsekuensianan di sklabilitut i komèrsio di katibu semper tabata estrechamente ligá na strukturanan kolonial mas amplio atraves di kual gobièrnu hulandes tabata ehersé su poder na diferente parti na mundu.’<sup>5</sup> E investigashon tokante pasado di sklabilitut kolonial ta kontené tres punto importante: 1) historia di sklabilitut kolonial; 2) konsekuensianan di esaki relevante pa hende i sosiedat durante di e periodo ku sklabilitut tabata legal i despues; 3) i e forma ku ta atendé ku pasado di sklabilitut kolonial aktualmente, su konsekuensianan riba témino largu



i impakto ku e tin te ainda. Mientras ku e tres puntonan akí tin relashon estrecho ku otro, na mes momentu kada unu tin su propio puntonan di atenshon. A dividí e Kompilashon di Konosementu akí den dos parti: ‘Aspektonan di pasado di sklabilitut kolonial hulandes rònt mundu’, i ‘konsekuensianan i kon ta atendé ku nan aktualmente’. Ademas di e teksto prinsipal tin tambe diferente otro teksto sekundario ku: a) ta sigui elaborá riba un tema òf argumento; b) ta duna ehèmpel konkreto di pregunta ku nan ta proponé pa investigá; c) ku ta un *casestudy* di historia òf investigashon spesífiko.

E perspektivanan ku nos ta presentá ta fungi komo un punto di referensia pa sigui desaroyá konosementu. Nos a sali for di un bista riba término largu: den e Kompilashon di Konosementu nos a delineá kon pa hasi investigashon sientífiko i investigashon apliká, durante di e periodo 2025-2035. Na mes momentu nos ta konsiente ku nos ta ofresé un dokumento ku ta mará na tempu, e ta un refleho di diferente formanan di investigashon aktual internashonal i resultado di desaroyonan aktual i debátenan resien den komunidad, 9 tantu na Hulanda, i na islanan Karibe-Hulandes. Ku e Kompilashon di Konosementu nos ke duna e direkshon na desaroyo di konosementu na fabor di investigashon sientífiko, i banda di esaki kontribuí tambe na otro forma di produsí i transferí konosementu, por ehèmpel den sektor di patrimonio, edukashon i enseñansa.

E historia kolonial i di sklabilitut ta di gran importansia pa komunidad hulandes i komunidad di paisnan ku tabata kolonisá.<sup>6</sup> Durante último añanan por a opservá un desaroyo aselerá den e manera di atendé ku e pasado akí públikamente i tambe a inisiá hopi proyekto kaminda a hasi uso di investigashon apliká i sientífiko. Esaki a kondusí na perspektivanan nobo riba e pasado akí i su konsekuensianan ku te ainda ta sigui ta palpabel. El a aportá na un mihó komprension sosial e pasado akí i el a trese un kambio supstansial den imahen propio di esnan involví, ku awor por a liberá nan mes di e distorshonnan di un pasado kolonial ku a keda traspasá kontinuamente di generashon pa generashon.

Simultáneamente eksperiansianan di pasado, manera konmemorashon di abolishon di sklabilitut na 2013, ta mustra riba e peliger di un *backlash*: e efekto ku ta manifestá ora intensivá (generalmente den forma di proyekto) atenshon, subsidio i finansiamentu pa un tema manera pasado kolonial di sklabilitut, i ku tin komo posibel konsekuensia un rekaida signifikante, alegando ku ya a dediká sufisiente atenshon na e e tema. Ademas, despues di elekshon di 22 di novèmber na Hulanda, nos a konstatá e peliger ku ke *fráim* pasado di sklabilitut kolonial den un quadro sosialmente sensibel ku ta pone ku ya no ta deseabel mas pa sigui atendé kuné ni inkluí e permanentemente riba agènda. Un di e riesgonan mas grandi ku nos ta mira ta ku e progreso den konosementu i kapasitashon ku a tuma lugá den tur parti di reino durante di e aña di konmemorashon di pasado di sklabilitut ('Slavernijverleden, 1 juli 2023-1 juli 2024') ta bolbe kore riesgo di bai pèrdí. Den e mesun liña ku e prekupashonnan akí mester mensioná tambe e resistensia ku algun área di siensia i komunitat ta vosiferá tantu na Hulanda komo riba nivel internashonal, kontra investigashon di pasado di sklabilitut i su konsekuensianan. E resistensia ei por manifestá den forma alarmante, konteniendo hasta menasa ku intimidashon dirigí na e investigadónan.

Nos tin ku reakshoná aktivamente riba e desaroyonan akí pa evitá ku nan tin konsekuensia pa siensia, nos konosementu i nos komunitat, por ehèmpel ku institushon di un instansia manera 'WetenschapVeilig' (Siensia Sigurá) kaminda por denunciá e tipo di insidentenan akí. Esaki ta un inisiativa di Universiteiten van Nederland (UNL) (Universidatnan di Hulanda), Koninklijke Nederlandse Akademie van Wetenschappen (KNAW) (Akademia Real Hulandes di Siensia) i Nederlandse organisatie voor Wetenschappelijk Onderzoek (NWO) (Organisashon Hulandes pa Investigashon Sientífiko).

### Di eksplorashon pa Kompilashon di Konosementu

Den e Kompilashon di Konosementu énfasis ta riba tema- i preguntanan di investigashon ku te ainda falta atenshon òf kontesta. Pa e motibu akí ta kumbiní pa kuminsá fiha promé

riba algun resultado di investigashon di *Staat en slavernij*, ku ta importante pa por sigui generá konosementu adishonal riba pasado di sklabbitut i su konsekuensianan. Por sierto den *Staat en slavernij* tin informashon ku ta esensial pa por komprondé e pasado di sklabbitut kolonial hulandes.

Un opservashon inisial ta, ku den sierto área a hasi mas investigashon ku den otro i esaki por nifiká ku algun área (òf tema dentro di e áreanan) meresé mas atenshon. Pues pa vários region ta nesesario pa aktualisá e investigashon: esaki ta konta spesífikamente pa historia di sklabbitut hulandes den Karibe – i komo parti di esei partikularmente e islanan mas chikitu i tambe diferente parti di Asia.

Esaki ta relashoná ku e echo ku a konstatá ku temanan di investigashon den partinan di reino hulandes i den komunidadnan ku ántes tabata kolonisá, por diferensia for di otro. Por relashoná e diferensianan akí ku e retonan spesífiko ku kada komunidad kolonisá a konfrontá durante nan pasado di sklabbitut i kolonialismo. Asina den Karibe e tema di violensia relashonal ta haña atenshon, ya ku e ta asosiá ku violensia den tempu di sklabbitut. Banda di esaki ta eksistí desigualdat den desaroyo di konosementu na e diferente partinan di reino hulandes na mundu, komo konsekuensia di desigualdat den atenshon, investigashon i rekursionan lokal disponibel. Pues den e afan pa formulá dokumentashon di historia di sklabbitut i su konsekuensianan ku ta mas inklusivo, ta importante pa dediká atenshon tantu na e áreanan kaminda ya kaba a hasi bastante investigashon komo na áreanan ku ainda falta atenshon.

Pa loke ta trata e konsekuensianan di pasado di sklabbitut kolonial, e investigashon eksplorativo *Staat en Slavernij* a demostrá, ku banda di investigashonnan di regionnan anteriormente neglishá, por aportá tambe ku método di investigashon adishonal (historia oral ku entrevista), ku perspektiva nobo (sosiedat general, estado di isla chikitu) i ku disiplina apliká, pa keda krea mas oportunitat pa investigá konsekuensianan di pasado di sklabbitut kolonial. Pa e motibu akí den futuro mester duna mas atenshon na diferente perspektiva, disiplina i método di investigashonnan sientífiko i na konosementu apliká.

## Kondishonnan fundamental di kontenido

E Kompilashon di Konosementu akí ta eleborá (den sekshon 1 i 2) riba problemanan temátiko ku meresé mas investigashon. Sierto puntonan di atenshon ta relevante pa hopi tema i tambe pa e área den su totalidat. Por konsiderá e puntonan di atenshon akí komo kondishonnan fundamental ku ta nesenario pa yega na un investigashon sólido i duradero di historia di sklabilitut kolonial i su konsekuensianan. Relashoná ku esaki nos ta pensa riba:

- Interakshon, similaridat i diferente resultado entre i den e diferente partinan na mundu ku ta forma parti di historia i herensia di sklabilitut hulandes. Konkretamente ta trata di: Hulanda, Europa, Oséano Indigo, Archipiélago Indones, Asia Oriental i mundo atlántiko.
- Komparashon di diferente region ku otro, kombiná ku e konklushon ku mayoria di e temátika akí ta similar den ámbito global.
- Konekshon di diferente temanan ku ta krusa otro:
  - a. konekshon entre pasado i presente;
  - b. konekshon entre komunidatnan kolonisá i Hulanda;
  - c. konekshon entre konteksto ku perspektivanan lokal, nashonal i global: pa esaki ta nesenario pa sigui elaborá den kuadro di un enfoke lokal, pero tambe nan visualisashon den un konteksto mas ámplio.

12

Ta importante pa adoptá formanan nobo pa traha, ku ta fasilitá kreashon di un infrastruktura temátiko, organisatorio/ institushonal i un infrastuktura digital práktiko ku ademas ta duradero.

- E variashon di tema pa investigá ta rekerí diferente nivel di aserkamentu: sistemátiko, ideológiko, institushonal i individual;
- E búskeda pa diferente tema di investigashon ta rekerí transparensia i un aserkamentu diversifiká. Pa prevení fragmentashon mester mantené simultáneamente un aserkamentu integral i interdisiplinario;
- Ta nesenario pa kombiná investigashonnan tokante

*historia* di sklabitut ku su *konsekuensianan*, pa asina haña mihó bista kon investig'é i ilustrá e manera ku nan ta interkonektá;

- Ta esensial pa hasi investigashon pafó di Hulanda pa desaroyo di mas kapasidat i pa generá un infrastruktura organisatorio i institushonal mas amplio. Pa por logra esaki, ta nesesario pa sigurá ku e partinan karibense di reino i e tantísimo èks-kolonianan haña mihó aksesu na fería-, lugá- di estudio i institushonnan di investigashon. Pa paisnan kolonisá ku un retraso ekonómiko esaki ta un reto difisil di realisá. Mester invertí den formashon di investigadornan i profeshonalnan den e paisnan akí pa por krea plataformanan komun kaminda dato-, resultado- i dokumentonan di investigashon ta sentralisá i aksesibel. Ta importante pa siña nan kon usa téknikanan moderno pa maneho di dato i atministrashon di archivo. Un kombinashon di solushonnan teknológiko, kooperashon internashonal i desaroyo di kapasidat i partisipashon públiko por refsorsá e nan kompilashon i aksesu na datonan di investigashon den e paisnan akí.

13

Tin nesesidat pa sigui desaroyá infrastruktura digital. Esaki ta inkluí kreashon di archivonan digital, aksesu na archivonan eksistente i kolekshon di data nobo i fuentenan oral. Tambe tin mester di hèrmèntnan nobo pa mehorá investigashon i ekspanshon di rekursionan nesesario pa ekstendé bankonan di dato ku ta den desaroyo.<sup>7</sup> Den esaki ta di gran importansia pa reuní resultatonan i datonan sientífiko i sosial tantu di e rapòrtnan i investigashonnan enkargá pa gobièrnu, komo e numeroso investigashonnan genealógiko i arkeológiko. Un pregunta krusial ta: na unda i kon ta archivá i duna aksesu na e informashonnan akí? Ta ta importante pa tin aksesu na portalnan di investigashon ku ta kontené data i biografia lesikográfiko di esnan sklavisá rònt mundu pa sigurá ku tur aktor kolonial tin aksesu na dje.

# Sekshon I: Aspektonan di pasado di sklabilitut kolonial hulandes na nivel mundial

14

Kon e historianan di sklabilitut tabata i ki impakto nan tabatin ta un pregunta sientífiko i sosial ku ta abarká un tereno amplio. Ta importante pa studia e efekto- i reperkushonnan na nivel ekonómiko, kultural i administrativo, for di inisio di di sklabilitut kolonial te na e momento di abolishonnan di komèrsio di katibu i sklabilitut legalmente permití, i despues di esei: te dia di awe. E historianan di sklabilitut kolonial tin efekto spesífiko riba e manera ku diferente komunidat ta mira nan pasado, nan desaroyo i nan presente. Den hopi i diferente aspekto, awor ya ta evidente ku sklabilitut, tambe den relashon ku konsekuensianan di kolonialismo, tin un impakto grandi i duradero. Sinembargo no a investigá e aspektonan akí sufisientemente. I esaki, apesar ku e área di investigashon akí ta karakterisá pa demandanan fuerte, ku asunshon- i suposishonnan ku no únikamente tin konsekuensia sientífiko importante, sino tambe konsekuensianan di marka mayor tantu sosial komo polítiko.

Den e promé sekshon aki e Kompilashon di Konosementu ta ofresé un bista di e diferente direkshonnan ku investigashon mester elaborá riba dje pa por haña un mihó bista di e pasado di sklabilitut kolonial hulandes i su impakto rònt mundu. Ta trata di desaroyonan durante tempu di sklabilitut kolonial i komèrsio di katibu i esnan despues di abolishonnan di nan dos. Tin un desekilibrio grandi pa loke ta desaroyo di konosementu tokante e diferente temanán di investigashon. Miéntras ku a investigá algun aspekto relativamente bon, otro aspektonan ainda ta

rekerí investigashon ku ta mas dirigí riba perspektivanan nobo. Es mas, tin vários aspekto ku te ainda prátikamente no a ni keda eksplorá. Pa e preguntanan predominantemente nobo tin un variedat amplio di métodonan di investigashon disponibel, miéntras ku tin otro disiplina ku por aportá na un mihó komprendementu di e historia akí i su konsekuensianan, manera por ehèmpel arkeologia, idioma i literatura, siensia sosial i siensia polítiko. E balor ku desaroyo di konosementu interdisiplinario ta agregá, e base di un kombinashon di e preguntanan histórikó akí, ta e nùkleo ku ta duna aksesó na kompreshon di loke sklabilitut a enserá, kon sklabilitut a funshoná denter di e imperio kolonial hulandes i kiko e konsekuensianan di esaki tabata.

### Historianan sosial i kultural di sklabilitut kolonial

A hasi investigashon histórikó salí for di fuente-i perspektivanan kolonial tradishonal, ku ta prinsipalmente dirigí riba aspektonan polítiko, ekonómiko i institushonal di pasado. E kondishonnan di bida di esnan sklabisá i e funshonamentu kotidiano di sklabilitut a haña atenshon marginal, miéntras ku no a investigá e tema akí sufisientemente di forma sistemátiko den e imperio kolonial hulandes rònt mundu. Dokumentashon di historia hulandes tin porlotantu komo tarea pa sigui profundisá den e aspektonan humano di sklabilitut. Esaki ta sirbi tantu pa yega na un mihó komprendementu di historianan lokal, sosial i kultural, komo pa revelá interkonekshon i komparashon di e pasado di sklabilitut den imperio kolonial hulandes i otro partinan di mundu. Pa e motibu ei e realidat sosial-kultural i e konsekuensianan di sklabilitut den e kolonianan di imperio kolonial hulandes ta un área di enfoke importante den e Kompilashon di Konosementu akí. A traves di nan por aktualisá konosementu pa haña sa ta ki influensia sklabilitut i komèrsio di katibu tabatin riba hende, komunidad, enlasenan sosial i patronchinan kultural. E siguiente temanan ta esnan ku a falta atenshon i ta bini na remarke pa investigashon adishonal:

- a) Formashon di famia, relashon entre diferente sekso i e manera ku a forma relashonnan sosial te ainda no a keda investigá sistemátika- i profundamente. E trasladonan obligatorio di hende sklabisá ku tabata karakterisá sklabbitut kolonial i e violensia ku tabata típifiká sklabbitut kolonial, tabatin un impakto grandi riba e manera ku a bai forma famia, mantené relashonnan interpersonal, fiha patronchinan di komportashon, i krea loke a bira e diversidat di diferente forma di famia aktual. Bendementu di hende sklabisá tabata kibra un famia. Ma el a forma tambe un variashon den forman di kombibensha, kaminda por ehèmpel diferente hende muhé tabata kuida nan yunan huntu. Ainda no tin sufisiente informashon pa determiná e dinámika ku esaki a krea, na kiko el a kondusí òf e impakto ku e tabatin. Ta kon esnan sklavisá tabata atendé ku eksperiansianan troumátiko di un separashon di famia i ki impakto (intergenerashonal) esaki tabatin? Kiko tabata e papel di hende muhé i mucha durante sklabbitut? Kon noshonnan tokante maskulinidat i feminidat tabata, kon e ideanan aktual tokante gruponan manera LGBTQIA+ a forma den e konteksto di sklabbitut? I ki efekto traslado obligatorio huntu ku sklabbitut tabatin riba koheshon sosial, relashonnan interpersonal i por ehèmpel violensia interrelashonal?
- b) E influensia di sklabbitut riba formashon di komunidad ta un kestion importante ku ta derivá for di formashon di famia. Aki ta trata di formashonnan sosial kotidiano i tambe di formashon di identidat sosial i identidat propio denter di komunidadnan sosial sklabisá. Kon desaroyo di idioma a tuma lugá, kon a forma un sentido di realidat, kon religion i kultura (material) a desaroyá den komunidadnan ku a eksperenshá sklabbitut, traslado obligatorio i kolonialismo ta keda hopi biaha un pregunta sin kontesta. Den algun region i den algun kaso a hasi



sierto investigashon. Asina resientemente a inisiá ku investigashon pa determiná e relashon entre Iglesia Reformá Hulandes i sklabbitut. Den estado hulandes i kultura hulandes en general, Iglesia Reformá tabatin un posishon privilegiá kreá histórikamente; un posishon ku a manifestá su mes den henter e reino kolonial hulandes. Sinembargo ta ménos konosí kiko e papel di iglesia katólíko tabata; ainda mester investigá i dokumentá e papel di iglesia katólíko relashoná ku sklabbitut.

Miéntas ku den mundu Atlántiko e impakto ku sklabbitut i komèrsio di katibu tabatin riba formashon di komunidad a paresé ku mas regularidat riba agenda, ainda no a investigá esaki sufisientemente amplio den pasado di sklabbitut kolonial hulandes. Esaki ta tradusí den preguntan pa haña sa kon katibunan tabata hasi nan mes di kas ora nan yega na un lugá nobo i kon nan tabata forma konekshon ku otro. Pero tambe kua forman di organisashon tabatin, kua ritual-, mito- i kuantanan a surgi den e proseso pa forma un komunidad i kon kontaktonan ku interkambio (transnashonal) tabata tuma lugá.

- c) E relashon entre distinsjon di rasa i sklabbitut ta un interogante krusial. Saliendo for di historia di pensamentu i kultura visual di siglonan diesnuebe i binti, tumando kolonianan di otro paisnan europeo den konsiderashon, a investigá e pregunta pa sa debí na kiko i na ki momento a kuminsá krea distinsjon di hierarkía kada biaha mas eksplísito entre hende di diferente desendensia i ki efekto esaki tabatin riba hende i sosiedat. Ainda no a hasi sufisiente investigashon profundo i krítiko pa determiná kon e distinsjon di rasa a kuminsá manifestá i desaroyá for di prinsipio di ekspanshon kolonial, i kiko tabata e influensia ku sklabbitut i otro forman di opreshon kolonial a ehersé riba esaki. En partikular, ekspanshon di investigashon den diferente teritorio di archipiélago indones, oséano índigo i atlántiko por generá un bista nobo riba desaroyonan mas amplio i spesífikamente

lokal di e relashon entre sklabbitu i distinsyon di rasa, i e korelashonnan eksistente entre e diferente partinan den e imperio kolonial hulandes. Esaki ta rekerí un investigashon di forma krítiko ku ta analisá kon e influensia fuerte di formashon di imahen i e rasonamentu ku a sigui despues a konsekuensia di e distinsyonnan di rasa ku a keda forhá.

- d) Ademas e ta rekerí investigashon ku ta eksplorá kon den algun kaso e distinsyon di rasa ta manifestá di forma hopi sutil den práktikanan i situashonnan (kotidiano) i den strukturanan di dominashon kolonial polítiko i ekonómiko.

### Sistema- i eksperiansianan humano di sklabbitu

Den dokumentashon di historia kolonial hulandes te ainda no a duna mashá atenshon na e konsekuensianan di sklabbitu komo sistema i práktika kotidiano, ni tampoko na e eksperiansia humano den esei.<sup>9</sup> Investigashon pa determiná kon hende a eksperiansiá sklabbitu kolonial, sklabisashon i komèrsio di sklabbitu por duna un aporte signifikante pa por yega na un mihó komprendementu di e realidat di sklabbitu.

18

- a) Tabatin un variashon amplio den e manera ku ta sklabisá hende: for di guernan di gran eskala kaminda tabata kapturá sivilisashonnan kompletu pa trasladá esnan sklabisá, te na sekuestro di individuo, benta di hende sentensia i kitamentu di libertat pa motibu di debe òf eksklushon sosial. Ademas tabata sklabisá hende for di nasementu, ya ku segun kustumber den e kolonianan ei, stáтус di sklabbitu tabata hereditario. Ta konosí ku no tabata apliká e diferente forman pa sklabisá hende ku e mesun frekuensia den e teritorionan di unda esnan sklabisá tabata originá i for di unda tabata transportá nan pa e reinado kolonial hulandes. Te ainda no a investigá sistemátikamente i

9 Orlando Patterson, *A Slavery and Social Death: A Comparative Study, With a New Preface* (Cambridge, MA: Harvard University Press, 2018).

10 Matthias van Rossum, 'Slavery and Its Transformations: Prolegomena for a Global and Comparative Research Agenda', *CSSH 63/3* (2021), 566-598.

den profunidat ta kon e diferente forman di sklabisá hende a tuma lugá i kon komèrsio kolonial di sklabitut a influensíá esaki. I te ainda nos no tin sufisiente konosementu pa determiná konsekuensianan di sklabisashon ni pa e sosiedatnan lokal di unda esnan sklabisá tabata originá ni tampoko tokante konsekuensianan den e komunitatnan kaminda esnan sklabisá a keda obligá pa stablesé nan mes.

Ta nesesario pa hasi mas investigashon, no solamente pa determiná e variedat den praktiká, sino tambe pa revelá e konsekuensianan ku esaki tabatin riba e individuo i e komunitatnan involví.

- b) E patronchinan i e papel ku komèrsio di sklabitut a hunga den ekspanshon kolonial hulandes te ainda meresé atenshon. Pa loke ta trata komèrsio di katibu transatlántiko tin dokumentashon histórikó ekstenso disponibel di investigashon tantu di e kantidat komo e kalidat di e traslado obligatorio i komèrsio di katibu a traves di oséano atlántiko. Sin embargo den un perspektiva mas amplio ainda no tin sufisiente konosementu tokante di funshonamentu di komèrsio di katibu den kontinente di Amérika. Esaki ta konta pa e komèrsio di hende sklabisá den kolonianan hulandes, manera benta entre doño di plantashi òf komèrsio di katibu den siudatnan manera por ehèmpel Paramaribo i Willemstad.

Banda di esaki, ta trata tambe di e komèrsio di katibu riba distansha largu entre kolonianan merikano i entre e kolonianan i komunitatnan outóktono. E investigashon di komèrsio di katibu riba distansha largu na Asia ta te ainda den un fase preliminar. Den algun investigashon a dokumentá komèrsio di katibu for di bahia di Bengala na inisio di siglo diesshete i komèrsio di katibu di Madagascar. Pero te ainda no tin sufisiente konosementu tokante e embergadura eksakto, patronchi, funshonamentu di komersio di katibu (hulandes) den Oséano Indigo, na e parti suit-ost i ost di Asia. E rekonstrukshon di komèrsio (kolonial)

di katibu na Asia ta obviamente un tarea nesesario pa e añanan benidero. Tambe apénas a investigá pasado di sklabbitut hulandes-asiátiko di forma detayá òf aspektonan mas spesífiko, manera komèrsio di sklabbitut den siudat òf desendensia i funshonamentu di esnan sklabisá.

- c) E impakto ku komèrsio kolonial di hende sklabisá tabatin riba komunidatnan lokal meresé mas atenshon den e konteksto akí. Tin nesesidat pa mas investigashon pa determiná forman di influensia indirekto i den algun kaso bastante direkto ku komersiantenan di sklabbitut komersial i outoridatnan tabata ehersé den teritorionan for di unda tabata ekstraé hende pa nan sklabisá i e influensia ku nan tabatin riba prosesonan lokal ku tabata proveé nan ku hende sklabisá. Un interogante krusial den esaki ta kiko e impakto di e komèrsio kolonial di katibu tabatin riba komunidatnan lokal. Di ki manera komèrsio di katibu a kambia relashonnan sosio-ekonómiko den e komunidatnan di orígen, debí na e demanda kresiente for di kolonianan den teritorionan atlántiko i teritorionan di VOC? Por sigui desaroyá e tipo di investigashon akí pa Wèst Afrika i kontinente merikano kaminda a sklabisá e komunidat outóktono, pero spesialmente na Asia, práktikamente no a ni hasi e preguntanan akí ainda: for di Bali te na Nias, for di di Madagaskar te Mozambique i for di Coromandel te Arakan.
- d) Pa vários parti di imperio kolonial hulandes, por determiná ku tur siguransa, ku den algun sosiedat kolonial òf lokal a investigá sklabbitut kolonial di forma ménos ekstenso ku den otro. Esaki ta aplikabel por ehèmpel pa algun parti di e islanan di Karibe i e aktual Guyana den teritorio atlántiko, pero te sierto punto tambe pa Norteamérika, Brasil i Afrika Oksidental. Entre e diferente áreanan di Sürnam tampoko no a reparatí e atenshon pa investigashon di un manera ekilibrá. E falta di desaroyo di dokumentashon di historia di sklabbitut kolonial

hulandes ta ainda mas evidente den siglo diesshete i diesocho tempu ku e tabata ehersé pa Verenigde Oost-Indische Compagnie. Solamente pa Surafrika i danki na dedikashon di historiadónan surafrikano, a desaroya un dokumentashon amplio sosial i ekonómiko tokante sklabilitut kolonial. Sinembargo pa loke ta pasado di sklabilitut hulandes asiátiko ta keda eksistí un bashí grandi. Di ki manera presisamente operashonnan diario di sklabilitut kolonial tabata tuma lugá den aspekto sosial, ekonómiko i politiko den hopi área kaminda hulandesnan a imponé nan poder kolonial òf tabata aktivo den sentido mas ámplio, manera den oséano índiko, parti sùitost i ost di Asia?

### TESTIMONIO DI HENDE SKLABISÁ

21

Por mira refleho di e impakto profundo di sklabisashon i sklabilitut den testimonio i dokumentonan outobiografiko di esnan ku tabata sklabisá (den pasado). Ademas e dokumentonan akí ta demostrá ku siguransa indiskutibel ku, kontrali na pensamentu komun, e prosesonan di sklabisashon di hende efektivamente ta disponibel den fuentenan dokumentá. Esaki ta konta tambe pa e manera ku esnan sklabisá a eksperensia esaki. Asina Nai van Leeot (Flores), mihó konosí komo Wange Hendrik Richard van Bali, a skibi den e memorianan di su infansia, ku el a dokumentá na grandi, kontando kon e doño di su mama a reklam'é komo su propiedat i bend'é ku komersiantenan di katibu. Komo yu di un tata liber i un mama sklabisá Nai a heredá e status di katibu i debí na pobresa di su mayornan nan no tabata kapas pa generá suficiente fondo pa liber'é.<sup>11</sup> Tambe den fuentenan hudisial di korte kolonial, manera por ehèmpel di Batavia, Kaapstad, Cochin, Elmina, Paramaribo i Willemstad tin mas di e testimonionan akí ku ta konta di eksperensia di esnan sklabisá i di sklabilitut kolonial.

#### Resistencia i persistensia

Últimamente resistencia kontra di sklabilitut i sklabisashon ta hañando mas atenshon. E atenshon akí ta mas sentrá riba rebelion ku hopi biaha ta motibu pa un estudio separá, òf ta

11 Titas Chakraborty i Matthias van Rossum, 'Slave Trade and Slavery in Asia: New Perspectives,' *JSH* 54/1 (2020), 1-14. <https://academic.oup.com/jsh/article/54/1/1/5901211>.

mirá den konteksto i nifikashon pa historia lokal òf regional. Sinembargo tòg no tin sufisiente dokumentashon ainda tokante rebelion òf otro forman di lantamentu. Tampoko a sali na kla ainda si forman mas evidente di resistensia tabata parti di patronchinan mas ekstenso di e persistensia di esnan sklabisá pa rekobrá nan libertat.

- a) Investigashon adishonal tokante resistensia salí for di un base mas amplio ku ta inkluí rebelion, konfrontashonnan violento i otro forman di protesta manera sabotaje, evashon i huida di esnan sklabisá, por kondusí na mihó kompromedementu di e persistensia di esnan sklabisá. Ta trata ademas di ekspreshonnan kultural ku tabata duna forma na resistensia, persistensia i kreashon di sirkumstansia- ku strategianan pa no skucha un òrdu, òf desaroyo i mantenshon di un kultura (kontrali) propio manera por ehèmpel kantamentu i kontamentu di kuenta. E atenshon pa resistensia i peristensia ta importante pa áreanan atlántiko partikularmente pa e historia di sklabitut hulandes na Asia.

## PRÁTIKANAN I TRADISHONNAN SPIRITUAL

Afrikanonan sklabisá a karga i hiba nan práktika- i tradishonnan spiritual poderoso huntu ku nan den e komèrsio di katibu trans-atlantiko. A meskla práktikanan religioso di Wèst Afrika ku elementonan kristian i indígeno. Na Sürnam esaki ta konosí komo 'winti' i den islanan di Karibe e práktikanan akí ta konosí komo 'brua'. Despues na islanan ABC a yama e práktikanan akí 'montamentu' i na isla'riba 'obeah'. Potensianan kolonial a demonisá i kalifiká e práktikanan i tradishonnan akí komo pagano i a ehersé tur tipo di esfuerso pa eliminá nan di forma sistemátiko. Den algun kaso tabata tin inkluso persekushon hurídiko di praktikantenan lokal. Despues di abolishon di sklabitut ainda e práktika- i tradishonnan akí a sigui vigente, ni maska kuantu esfuerso a hasi pa eradiká nan por kompleto. Ta nesario pa hasi mas investigashon pa determiná kon e práktikanan i tradishonnan religioso deskonosí den komunidad oksidental a logra sobrebibí den un situashon di opreshon manera esaki. Tin

**rito- ku seremonianan spesifiko ku (e kolonisadó) a oprimí òf ku hende sklabisá a insistí di keda uza, ku pa e motibunan ei ta sigui vigente? Tin ehèmpelnan di resiliensia i mantenshon di práktikanan kultural apesar di e oposishon ku nan a konfrontá? Di ki forma esaki a manifestá su mes serka esnan sklabisá den diferente parti di e imperio kolonial hulandes i dikon?**

- b) Pa tur region ta konta ku ta interesante pa kategorisá e resistensia ku esnan sklavisá tabata demostrá i ku tabata tuma lugá segun patronchinan mas ámplio di resistensia durante kolonialismo, manera resistensia di trahadónan (ku mester a ehersé trabou fòrsá), resistensia kontra servisio obligatorio na shon te na reklutashon di hendenan sentensiá den korte, komo trahadónan kontratá. No solamente e relashonnan interpersonal ta interesante, sino tambe e interakshon entre e miembronan di e komunitatnan kolonial i e regionnan di orígen. Ta kon a interkambiá, traspasá i renobá repertorionan sosial i kultural?
- 23 c) Aparte di e atenshon pa resistensia, daño i posibel troumanan ku e pasado kolonial a okashoná, ta importante ademas pa saminá resiliensia, alegria i konektivitat di- i entre esnan sklabisá i nan komunitatnan. Tambe konekshon i solidaridat ku aliado i luchadónan pafó di e sírkulo di esnan sklabisá ta relevante. Kon a forma e lasonan komun di hende pa hende? Kiko tabata e papel di idioma, kultura i religion den esaki? E historianan akí di resistensia, persistensia i resiliensia, for di rebelionnan grandi te na forman nan kotidiano di trato i relashonnan entre hende, ta keda un área di atenshon importante i e tin potensial pa bira un motibu pa re-skribí historia di sklabitut.

## **REHABILITASHON DI TULA; UN PROSESU LARGU**

**Tula a hunga un papel krusial den e lantamentu di katibu di 17 ougùstùs 1795 ku a kuminsá na plantashi Kenepa den parti wèst di Kòrsou. E tabata e rebeldia di mas grandi den su kategoria, tantu pa loko ta trata e kantidat di partisipante, ekspanshon geográfiko, komo durashon. Dia 19 di sèptèmber**

Sekshon I 1795 a kapturá Tula i despues di a tortur'é di forma horibel i a ehekut'é dia 3 di òktober. Durante siglonan largu despues di su morto e régimen kolonial inhustamente a proyekt'é ku un imagen di malbado. Despues di tempu a kuminsá rekonosé i enfatisá su aporte pa libertat i hustisia mas i mas, en esepial danki na inisiativanan di artista, aktivista i intelektualnan di komunitat di Kòrsou i di diáspora na Hulanda ku tabata boga pa duna honor na su nòmber. Komo resultado di e esfuerso- i apeshonnan akí, dia 17 di ougùstùs 2010 - Dia di Lucha di Libertat, Kolegio ehekutivo di Kòrsou di e tempu ei a disidí di rekonosé Tula i su aliadonan komo héroe. E deseo na Kòrsou, pa Hulanda tambe rehabilitá Tula, tabata un rekomendashon eksplisito den e rapòrt Ketenen van het verleden (2021), di Adviescollege Dialooggroep Slavernijverleden (Grupo di Diálogo riba Pasado di Sklabitut). Despues di e diskulpa ku minister president Mark Rutte a ofresé públikamente, gobièrnu di Hulanda a ripití e rekonosementu aki riba 4 di òktober 2023, kaminda sekretario di estado Van Huffelen a afirmá den su diskurso 'ku e deseo di Tula tabata hustifiká, su lucha tabata hustu i e medionan ku el a apliká tabata akseptabel. Esaki ta nifiká ku ehekushon di Tula tabata un krimen'. Ku e rehabilitashon Hulanda a konsedé honor póstumo na Tula i a rekonos'é su derecho legítimo komo un luchadó di resistensia ku a bringa pa libertat i hustisia komo prinsipio fundamental, no solamente pa Kòrsou sino pa henter humanidat.

24

### E papel di violensia

E papel di violensia ta un elemento krusial den historia di sklabitut kolonial hulandes. Den algun kaso a investigá okurensianan spesífiko i periodonan mas kòrtiku di manera ekstenso, manera ta e kaso ku e investigashon resiente di e lucha pa independensia di Indonesia (1945-1950). Banda di esei tin mas atenshon akadémiko pa un lista largu di konflikto militar i lantamentu ku a surgi anteriormente den e proseso di ekspanshon kolonial hulandes. Pero te ainda no a hasi suficiente investigashon profundo di patronchinan ekstenso di violensia di guera ni e papel ku esaki a hunga durante kolonisashon. Konsekuentemente ainda falta pa haña un bista detayá i sistemátiko di e manera ku e diferente forman di



violensia, manera guera, depopulashon i deportashon tabata relatá na sklabisashon di hende i komèrsio di katibu. Esaki ta konta tambe pa strukturanan di violensia kontinuo ku a tipifiká bida kotidiano den e periodo di sklabilitut i kolonialismo.

- a) Historia di kolonialismo hulandes ta infestá ku aktonan di violensia kontra komunidadnan na tur kaminda na mundu. E ehèmpelnan mas studiá ta suprayá ku e violensia di guera akí tabata hopi mas ekstenso ku mero ‘insidentenan’ na momentunan di konflikto i konkista. E violensia struktural akí ta pidi pa profundisá riba e impakto di e gueranan kolonial i e papel ku sklabilitut tabatin den esaki. Tambe mester fiha atenshon riba e interakshon entre e violensia kontinuo durante ekspanshon kresiente den e komunidadnan den kolonianan hulandes i e manera ku tabata trata poblashonnan indígeno. Pa por tin un bon kompromedimento di e plataforma violento di historia di sklabilitut kolonial mester tin un bista ámplio ku ta inkorporá mundu henter. Ademá esaki ta rekerí desaroyo di diferente método di investigashon ku por revelá i konektá funshonamentu i konsekuensianan struktural di e violensia di guera ku otro desaroyonan. Kon violensia militar tabata manifestá su mes den mundu kolonial? Pa esaki mester tin atenshon partikular pa e diferente maneranan ku violensia ta interkonektá ku otro, manera depopulashon, deportashon, sklabisashon, komèrsio di katibu i sklabilitut. Ki konsekuensia e violensia aki tabatin i kon el a duna nifikashon na sklabilitut durante kolonialismo i kon el a desaroyá den sentido mas amplio den komunidadnan (kolonisá) rònt mundu?

## AKTONAN DI VIOLENSIA HULANDES

Por konsiderá e genosidio ku a tuma lugá riba e islanan Banda (1621) komo posiblemente e akto mas notorio, ma e no ta pará riba su so. Asina tambe a kapturá i deportá habitantenan di e isla Siau na 1615 i fòrsa nan pa traha riba un otro isla den archipélago Banda ku e hulandesnan a konkistá nèt despues.

Sekshon I **Den kolonisashon di Taiwan entre otro a deshabetá e poblashon kompletu di e isla Liuqiu (Lambei) na 1636, kaminda a asesiná mayoría di e poblashon i pa sklabisá i transportá esnan ku a sobrebibi pa Taiwan i Batavia. Kiko mester pensa di e atakenan ku ekspedishonnan ku VOC a ehekutá riba pueblonan na kosta sur di China kaminda a sklabisá i trasladá esnan ku a sobrebibi pa Batavia i Bantam, manera deskribi por ehèmpel den e relato di biahe 'Bontekoe'. Na 1643 hulandesnan a efektuá matansa di kampamentonan kompletu di komundatnan indígeno, den 'Nieuw Nederland' (den serkania di New York aktual), loke a provoká un guera ku komundatnan Munsee. Ekspanshon di e komundat di sklabitut na Kaap de Goede Hoop tabata mará na matansa di poblashonnan lokal Khoikhoi i San. Na 1777 atministrashon di VOC a asta duna permit eksplísito pa efektuá matansa di poblashon; kada súpdito kolonial a haña outorisashon pa asesiná kada San ku e topa sin ningun provokashon òf motibu.**

26

- b) E imperio kolonial hulandes no solamente a establese su mes i ekspandé a traves violensia di guera na gran eskala, ma tambe e funshonamentu diario tabata tipifiká pa formanán struktural di violensia, kòntrol i opreshon. E violensia den funshonamentu diario te ainda a haña masha tiki atenshon. Sinembargo, e trabou i bida di esnan sklabisá tabata strukturalmente marká pa presensia kontínuo di violensia i strukturanan hierárikiko. Strategia di dividí- i reina tabata e instrumentonan krusial den e operashon diario di sklabitut, asina por ehèmpel tabata saka hende sklabisá for di diferente teritorio, i fòrsa esnan sklabisá pa kastigá otro hende sklabisá i apuntá hende sklabisá komo bomba. Den sentido mas ámplio tabata krea oposishon entre poblashonnan i tabata apuntá òf usa influensia di mandatorio òf di élite/ aristokrasia lokal den e gobernashon kolonial. For di e inisio di komundatnan sklabisá a implementá un sistema di 'permit' ku tabata usa pa limitá i kontrolá mobilidat por ehèmpel di esnan sklabisá, esnan ku mester a kumpli ku servisio na shon i poblashonnan

lokal en general. E violensia na gran eskala i e kòntrol e hersé den komunitatnan kolonial ta pidi atenshon pa un análsis di strukturanan di poder, di e forma ku a e hersé nan (den kompania i na plantashinan etc.) i e funshon di violensia eksplísito i diario den esaki. Preguntanan importante mester revelá kon a eksperensí e formanan di violensia akí, kon nan a funshoná i ki efektonan e militarisashon kolonial, sistemanan di kòntrol, i trato violento tabatin riba komunitatnan kolonisá. I di ki manera esaki a influensia Hulanda tambe – den su proseso di interkambio i repatriashon di élitenan kolonial, su pensamentu i práktikanan ankrá den violensia kolonial i formanan di eksplotashon. Un aspekto ku meresé atenshon ta kon hende sklabisá a eksperensia e violensia kontinuo: su impakto riba edukashon i bida di famia di diferente generashon i e manera kon violensia diario a kondusí na alienashon, abuzu di poder i strategíanan di interakshon di hende pa hende.

### Inisio di di sklabitut i su impakto

Te ainda tin hopi falta di informashon tokante e komienso di polítika kolonial, funshonamentu aktivo di sklabitut i su formashon den e ekpanshon kolonial hulandes rònt mundu. Aunke historiografía ta konta ekstensivamente di e presensia di hulandesnan na diferente kontinente di mundu. I tambe a duna hopi atenshon na historia di organisashonnan ku a e hersé e ekpanshon kolonial inisial (manera kompania- i sosiedatnan). Pero durante muchu hopi tempu a krea e pensamente limitativo ku e ekpanshon kolonial tabata konsistí di ‘komèrsio’ organisá den ‘ekspedishon’ i for di ‘ofisina’. Dokumentashon históriko mas resien ta mostra ku e kontrario di esaki tabata e kaso: a imponé kolonialismo ya for di e komienso inisial na fin di siglo diesseis i prinsipio di siglo diesshete. Esaki a keda manifestá na diferente manera, pero e nùkleo a keda formá den estado hulandes, ku kompania-, sosiedat- i indiviuanan ku a poderá di derechonan di otro hende i ku no tabata trata di komèrsio di eksplotashon

di tereno, di medionan di produkshon i di súpditonan di komunidadnan kolonisá. E poder otorgá i delegá práktikamente for di prinsipio a imponé un soberania kolonial internashonal ku uso di violensia i opreshon, manera a hasi por ehèmpel ku reinado asiátiko Ternate, unda ta demostrá ku for di 1607 a imponé un tratado riba nan ku a eksihí pa nan rekonosé Estado General (Staten Generaal) komo nan ‘protektor’ i ku a obligá nan pa ehersé trabou fòrsá i entregá speserei.<sup>12</sup>

E kambio di perspektiva akí for di ‘komèrsio’ pa ‘kolonialismo’ a revelá hopi pregunta ku no a surgi den pasado tokante e formashon inisial i polítika di kolonialismo, e funshon sentral ku sklabbitut tabatin den esaki i e konsekuensianan pa e komunidadnan involví.

- a) E anáalisis di e kreashon di polítika kolonial, e funshon intenshonal ku sklabbitut a ehersé den esaki i e relashon ku interesnan ekonómiko, di élite politiko i institushonnan hulandes den dje, ta práktikamente ineksistente. Investigashon adishonal lo por akclará preguntanan tokante relashonnan entre polítika kolonial hibá for di e republika na Asia i mundu atlántiko, kon a forma i influensia esaki ku un kantidat limitá di famia regente interkonektá i ki funshon institushonnan hulandes (for di outoridat urbano, nashonal i kolonial te ku iglesia i universidatnan) a ehersé den esaki. Esaki ta konta eksplísitamente pa e periodo inisial di ekspanshon kolonial for di final di siglo diesseis, pero den hopi aspekto tambe pa e periodonan despues. Mientras ku na hopi okashon a tuma debido nota di e determinashon deliberá di e polítika di konkista kolonial, di e dominio i komèrsio di sklabbitut, ainda no a studia esaki den profundidat. Loke ta krea pregunta, tantu tokante formashon di sklabbitut hulandes i kolonialismo hibá ku un agènda polítiko deliberá, komo tokante interesnan ekonómiko, e ideología i konvikshonnan (religioso) i retnan polítiko ku a yuda forma esaki. Loke ta interesante di esaki, ta e interkambio entre e interesnan i

strategianan privá kombiná ku outoridatnan lokal, nashonal, religioso i kolonial.

- b) E konsekuensianan polítiko i institushonal di ekspanshon kolonial ta un tema importante. For di un prinsipio un grupo chikitu di famianan elitario den e repúblika tabata esnan ku mas a probechá di sklabilitut i kolonialismo, ya ku e poder polítiko tabata konsentrá den nan man ku un akumulashon di funshonnan gubernamental den siudat i den gobièrnu nashonal i partisipashon den ekonomia kolonial. Di e manera akí miembronan d famianan elitario tabata duna forma na i probechá di polítika kolonial, miéntras ku nan tabatin tambe funshonnan di hopi influensia den e mundu kolonial internashonal. Aínda no a investigá sitemátikamente kon e retnan akí tabata funshoná i duna forma na e pasado kolonial di sklabilitut. Na otro banda, e posibilidatnan ku e ekonomia kolonial internashonal tabata ofresé europeonan i partikularmente komèrsio i eksplotashon di hende sklabisá, a duna espasio pa forma retnan i élitenan nobo, di kual algun a regresá Hulanda òf interior di Europa komo rikunan nobo. Di ki manera a akumulá rikesanan ku tabata prosedé for di sklabilitut i kolonialismo? I kon e konsentrashon di poder i rikesa ku a generá for di esaki a aportá na desigualdat ekonómiko i sosial na Hulanda?
- c) E relashon entre élite i institushonnan hulandes ku e pasado di sklabilitut i kolonialismo ta kondusí na preguntanan ku ta rekerí mas investigashon. Di ki manera interes- i eksperiansianan kolonial a influensí institushonnan i kultura polítiko di Hulanda? Kon e diferente institushonnan i outoridatnan tabata relatá na otro? Kiko tabata e funshon di institutonnan religioso? Ki influensia e eksperiansia ku outoridatnan kolonial, e desigualdat i e sklabilitut kolonial a ehersé riba formashon di e vishon di mundu i e kompleho di superioridat hulandes? Kon esaki a sigui manifestá den akshonnan den komunidad hulandes despues di nan regreso?

Informashon tokante e preguntanan akí relashoná ku impakto di e interkambionan ku a surgi durante ekspanshon kolonial, kasi no ta otenibel.

## INDIVIDU-, FAMILIA- I INSTITUSHONAN

For di inisio di VOC hopi yu hòMBER i primu di regente- i outoridatnan ku funshon militar i gubernamental haltu a biaha bai Asia i mundu atlántiko pa okupá un funshon haltu den konkista, violensia i sklabilitut. Asina e regente yu Adriaan van der Dussen a enkabesá e deportashon violento di e poblashon di Siau i a goberná un di e islanan Banda, pa despues bai forma parti di gobernashon di kolonia hulandes na Brazil. Kon e eksperiansanan akí kaminda a reina tantu violensia i sklabilitut a forma un gobernante kolonial manera Van der Dussen i tambe su familia i e kultura élite hulandes en general di kua e tabata forma parti? Ekonomia, polítika i sosiedat hulandes tabata estrechamente vinkulá ku pasado di sklabilitut anto riba diferente nivel: di individuo- te famianan di èlite, di institushon- te empresanan, di siudatnan te ehérsito. Te ainda no a eksplorá e enlace insial entre sklabilitut, kolonialismo i polítika dje tantu ei. Dipursí no a dokumentá e desishonnan di Staten Generaal archivá i wardá den fuente i material di archivo ekstenso, ku te ainda falta pa investigá sistemátikamente saliendo for di e perspektiva di historia di sklabilitut hulandes, tantu na nivel individual, institushonal komo ideológiko. Tambe falta pa akclará e pregunta ta kon institushonnan i komunitat hulandes tabata partisipá en grande. Asina universidatnan mes ta investigando nan propio pasado pa determiná kiko tabata nan posibel enlace- òf partisipashon den esaki. E búskeda akí ta parti di un trayectoria largu. Konsiderá por ehèmpel e asina yamá Seminarium Indicum, fundá pa Universidat di Leiden na 1622, ku tabatin komo meta spesífiko prepará misionero pa kolonisashon di Taiwan i otro áreanan di VOC. Esaki a krea un base importante pa estudio di Asia, spesifikamente su etnografia i idioma, i e universidat a sigui krese danki na e ekspanshon kolonial andando, miéntras ku e temanan akí ta te ainda punta di lansa di estudionan ku universidat di Leiden ta ofresé. Na otro universidatnan tambe, esta for di Delft, pa Wageningen te ku Utrecht, a formulá pensamentu i funda despues disiplinanan ku

Sekshon I **tabata spesífikamente dirigí pa sirbi pasado kolonial i e regimen di sklabbitu ku tabata parti di dje. Nos por bisa porlotantu ku te ainda no a investigá e impáкто di e rais i interesnan di sklabbitu kolonial sufisientemente.**

- d) Preguntanan tokante impakto di e relashonnan ku a surgi durante ekspanshon kolonial ta dirigí riba komunidat hulandes, institushonnan i élite ekonómiko gubernamental, pero na mes momentu nan ta konta mundialmente pa e otro komunidatnan ku hulandesnan a kolonisá i ku tambe a keda afektá pa e pasado kolonial di sklabbitu hulandes. Kiko tabata efekto e polítika kolonial hulandes (inisial) i ki efekto e tabatin riba e komunidatnan kolonisá? Kiko tabata e impakto di sklabbitu i kolonialismo riba nan? I kiko tabata e konsekuensia di e influensia hulandes riba formashon di estadonan lokal i gobernashon kolonial bou di e hulandesnan, por ehèmpel kontratonan obligatorio òf komportashon di outoridatnan i aristokrasia lokal (den e kolonianan di antaño)?

31

### **Sklabbitu kolonial i su konekshonnan na nivel mundial**

E interakshon entre e diferente kontinentenan afektá pa kolonialismo i sklabbitu hulandes, ta un tema di investigashon importante ku ainda falta pa investigá den diferente aspekto i ku ainda bal un investigashon profundo. A inisiá ku ekspanshon mundialmente i partikularmente ku sklabbitu organisá i interlasá ku sektornan sosial, ekonómiko i polítiko, tantu riba nivel institushonal komo riba nivel kultural.

- a) E desplazamentu fòrsá di hende sklabisá entre diferente teritorio a hunga un ròl importante den ekspanshon kolonial hulandes i e ekspanshon europeo ku a ekstendé rònt mundu. Debí na komèrsio transatlántiko di hende sklabisá, a desplasá mas di diesdos mion hende for di Afrika pa Amérika.<sup>13</sup> I debí na komèrsio di katibu na Asia a desplasá miones

di hende for di distansianan leu entre partinan di Sur-Asia, (sur-este di) Afrika, este i sur-este di Asia. Ki efekto riba término largu e komèrsio di hende sklabisá tabatin riba desaroyo demográfiko di komunidadnan di Afrika, kontinente merikano i Asia? Kon esaki a kondusí na desaroyo di komunidad- i kulturanan nobo? Ki impakto esaki tabatin riba e komunidad di e èks-kolonianan? I riba e origen i konsekuensianan di desigualdat sosial, ekonómiko i rasial?

- b) E preguntanan akí ta konta tambe pa gran parti pa desaroyo sosial i demográfiko di Republika hulandes. A sali na kla ku pa Amsterdam i den algun kasonan pa personanan individual, a trese hende Repúblika hulandes for di e kontinente merikano i for di Asia. Sinembargo, inkluso despues di aportenanan resien di investigashon na nivel di suidat i provinsia, tòg no tin ainda un bista sistemátiko di e embergadura, funshonamentu i konsekuensia di e ‘presensia pretu’ akí den Repúblika hulandes. Den kua sirkumstansia hende tabata yega einan i kon nan tabata biba? Ki imagen esaki a krea riba kayanan den e siudatnan hulandes? Kua posishon i ki eksperiansianan sirbientenan (anteriormente) sklabisá, ku tabata biba den kastio- i hogarnan di aristokratnan hulandes tabatin? Kon e sosiedat ‘no-blanku’ a marka su presensia den Repúblika hulandes i ki konsekuensia esaki tabatin finalmente pa e pais su poblashon?
- c) E embergadura di e desplasamentu fòrsá di un kantidat ekseksivo di hende ku a inisiá na gran eskala durante e temporada di sklabitut i kolonialismo a tuma lugá den un konteksto mas amplio, kaminda otro forman di trabou a floresé, manera trabou fòrsá, mekanismonan severo pa kòntrol di movishon di hende, gobernashon kolonial estilo militar, kompañá ku strategianan diktatorial i maneranan pa organisá ekstrakshon di rekursonan ekonómiko, konseptonan rasial, inkluso den e manera ku ta anda ku flora i founa. E interakshon entre historia di sklabitut kolonial hulandes-asiátiko i su relashon ku mundu atlántiko i Europa ta un



pregunta importante den kuadro di historia, debí na e echo ku e komèrsio di hende sklabisá i sklabbitut hulandes na Asia a inisiá promé ku Hulanda a ekspandé su imperio na gran eskala na mundu atlántiko, i tambe debí na e echo ku e komèrsio hulandes tabata interkonektá na vários manera ku diferente hende i mesklá ku relashonnan individual i institushonal. Ki impakto e tipo di interkambionan ku a tuma lugá debí na sklabbitut i kolonialismo tabatin riba e diferente komunitatnan rònt mundu pero tambe por ehèmpel riba Hulanda mes?

### Transishon i transmishon: konsekuensianan

Un pregunta importante ta kon sklabbitut kolonial i e transformashon ku a tuma lugá durante e periodo di abolishon di komèrsio di hende sklabisá i sklabbitut a afektá relashonnan kolonial i e desaroyonan despues. Spesífikamente pa e periodo di transishon akí, ta notabel ku no tin sufisiente investigashon hasí tokante e desaroyonan den e komunitatnan kolonial, ku a kondusí na kambionan den e régimen kolonial i finalmente abolishon di sklabbitut.

- a) Den e komunitatnan ku Hulanda a kolonisá , durante diferente etapa a kuminsá reemplasá sklabbitut ku otro formanan di trabou fòrsá, manera e trabou ku esnan anteriormente sklabisá tabata ehersé a keda ehersé despues, bou di supervishon di estado na Sürnam (1863-1873), pa katibunan di ántes komo servisio obligatorio no pagá, pero tambe pa trahadó ku kontrato fòrsá i trahadó ku tabata hasi trabou sin pago (corvee arbeider) prosedente for di kolonianan atlántiko i asiátiko. Na prinsipio di siglo diesnuebe ya sklabbitut a bolbe kuminsá lanta kabes den e kolonianan na Asia ku tabata kai direktamente bou di mando hulandes, entre otro pasobra awor eksplotashon di e komunitat lokal tabata tuma lugá mas i mas debí na e sistema kultural eksistente di trabou fòrsá i trabou sin pago (p.e. pa motibu di debe atrasá òf desishonnan di korte penal). Abolishon di

sklabitut a aselerá e proseso nobo akí. En kambio, den algun kaso sklabitut a oumenta mas ainda den kolonianan ku tabata kai indirektamente bou di mando hulandes, miéntras ku simultáneamente eksplotashon i trabou fòrsá a oumentá. Abolishon di komèrsio di katibu den mundu atlántiko a kondusí na kambionan den e sistema di atendé ku plantashi. E abolishon di e sistema di sklabitut ku a tuma lugá despues a kondusí na otro formanan di trabou kolonial obligatorio. E desaroyo- i relashonnan entre sklabitut i otro formanan di trabou fòrsá i instrumentonan di eksplotashon kolonial, manera e sistema kultural ya mensioná, ku tabata inkluí trabou ku kontrato fòrsá i trabou fòrsá komo alternativa pa un sentensia di prizòn, apliká den e diferente partinan di e imperio kolonial mundial i hulandes ta keda puntonan di investigashon importante ku te ainda no a risibí su debito atenshon.

- b) E kambio di posishon di hende sklabisá di ‘propiedad’ pa ‘súptito kolonial’ a tuma lugá pareu ku introdukshon di kuratela den outoridatnan kolonial i implementashon di instrumentonan pa kontrolá komunidadnan anteriormente sklabisá i nan desendientenan, na iglesia-, den empresa- i otro institushonnan dirigí pa aktornan kolonial. Kon esaki despues di abolishon, a kondusí na práktikanan rasista den e poblashon, marginalisashon di sierto gruponan, i práktikanan disiplinario basá riba kòntrol obligatorio i hasta un polítika kultural kaminda e persona anteriormente sklabisá mester a renunsiá kustumbènan ku el a lanta kuné? E práktikanan akí i e pensamentu su tras a krea un imágen di esnan sklabisá ku tabatin konsekuensianan palpabel hopi tempu despues di abolishon i dekolonisashon. Den algun region a investigá e fasetanan di esakí di manera fragmentario, pero pa hopi teritorio te ainda no ni tin investigashon na drechi i mester konstatá ku falta un anáalisis profundo i sólido di dje. Tambe ta revelante pa puntra kiko abolishon di sklabitut i e desaroyo di formanan nobo di gobernashon kolonial a nifiká pa

otro komunitatnan den sosiedatnan kolonial, manera poblashonnan indígeno, migrantenan (nobo) ku trabou di kontrato i komunitatnan di hende liber i hende sklabisá ku a huí (por ehèmpel e komunitat maròon na Sürnam). Mester di investigashon adishonal pa haña un mihó komprondementu kon e transformashonnan ku a surgi pareu ku abolishon di sklabilitut, a duna direkshon na forman nan nobo di eksplotashon kolonial, marginalisashon i desigualdat. I ki reperkushon tabatin despues di sklabilitut kolonial, den e práktika i régimen kolonial di tur dia i e reakshonnan ku tabatin pa manten'ê kòntròl riba personanan sklabisá, apesar ku a abolí sklabilitut?

Rònt mundu, tantu den sosiedatnan anteriormente kolonisá komo na Hulanda i Europa, sklabilitut i kolonialismo a kondusí na transformashonnan sosial, ekonómiko, politiko i ekológiko ku te dia di awe tin su konsekuensianan. Esaki ta inkluí por ehèmpel reglanan ekonómiko i ekológiko den komunitatnan lokal, desigualdatnan sosial den propio pais i desigualdat ekonómiko na nivel mundial; distribushon in hustu di tereno den sosiedatnan anteriormente kolonisá; marginalisashon, disosiasashon (fisiko i kultural) i komunitatnan desendiente di katibu supdesaroyá; problemátika di medioambiente: efektonan mundial di destrukshon debí na métodonan di produkshon i ekspanshon di ekonomia di plantashi, ku a forma e base pa sklabilitut kolonial i e sistema mas amplio di kolonialismo; formashon di un aristokrasia den èks-kolonianan i di Europa ku a i ta probechá te dia di awe di e sistema. Ta obvio ku esaki tabata un proseso eksitoso, kaminda probecho di sklabilitut kolonial i kolonialismo no solamente a benefisiá rikesa partikular di famianan elitario, ma tambe rikesa di estado (i komunitatnan) kompleto, por ehèmpel a desaroyá infrastruktura lokal (rutanan di nabegashon, haf, transporte lokal) ku ganashi optené for di entrada generá a base di trabou kolonial obligatorio no pagá. Tambe den strukturanan ekonómiko sklabilitut kolonial i kolonialismo tabatin efektonan di durashon largu, manera por opservá for di historia di hopi kompania

i di banko, for di ABN Amro te na Shell i Unilever. E kreashon di un ekonomia di ekstrakshon kolonial i su konsekuensianan ta di durashon largu i e ta notabel te ainda den e sistema polítiko kapitalista aktual, basá tantu riba agotamentu di planeta tera (kambio di klima, problemátika di medioambiente) komo riba agotamentu di hende (sklabitut modèrno, burnout). Investigashon mas profundo relashoná ku e kambionan struktural akí ta ofresé klaridat den e maneranan ku konekshonnan di pasado a duna forma na e konsekuensianan di presente.

### DESKANSO KOMO OPOSISHON KONTRA KAPITALISMO

Den su manifesto Tricia Hersey ta boga pa introdusí pousa i otro momentunan di deskanso den trabou (akadémiko) diario, pa asina bira mas konsiente di e tempu ku ta nesesario pa bolbe hala rosea trankil i rekargá energia. E ta mira esaki komo un forma di oposishon kontra di sosiedat kapitalista ku ta dirigí riba produkshon i ku a pèrdè e aspekto humano for di bista, kaminda hende hasta a kuminsá kere ku bo por midi nan balor únikamente segun produktivitat ekonómiko, efisiensia i ganashi. Hersey ta konsiderá e komportashon konsiente pa tuma tempu i inkluí momentunan di deskanso komo un forma di oposishon kontra e sistema kapitalista akí. E ta mira un konekshon entre kapitalismo, sklabitut i kolonialismo, pasobra kapitalismo tin su rais den ekonomia di plantashi, kaminda no tabata konsiderá esnan sklabisá komo ser humano, sino komo materia prima ku ta reemplasabel, i ku solamente ta sirbi pa produsí ganashi. Banda di esei Hersey ta boga pa rekonosementu di e violencia i e ladronisia ku a tipifiká kolonialismo. E herensia di siglonan di falta di libertat i trabou sin pago, ta rekerí un búskeda di forman nobo pa e relashon entre trabou i deskanso, pero tambe pa krea espasio pa e fedrit i luto ku e pasado akí ta trese kune.<sup>14</sup>

# Sekshon II: Konsekuensianan di i maneho aktual di Hulanda su pasado di sklabitut kolonial

Den e aña konmemorativo di Pasado di Sklabitut (Slavernijverleden) (1 di yüli 2023-1 yüli 2024) a hasi mension eksplisito di e relashon entre pasado di sklabitut i aktual presente i esaki a pone ku e tema a haña hopi mas atenshon. Danki na entre otro siudadanonan den diáspora prosedente di e èks-kolonianan, a pone e tema akí riba agenda i a bini un ‘re-deskubrimentu’ di pasado kolonial di reino hulandes i su konsekuensianan, inkluyendo islanan di Karibe hulandes. Ántes tabata konsiderá e enfoke akí no realisabel pasobra e konekshon entre pasado i presente no tabata dje obvio ei. Entretantu a surgi perspektivanan nobo den práktika di siensia i produkshon di konosementu ku ta ofresé mihó bista i kompreshon di e konekshon entre tempu presente i e pasado di sklabitut.

No ta solamente na Hulanda por nota presensia di e efektonan di pasado kolonial hulandes, ma tambe na e lugánan kaminda sklabitut a kuminsá i sigui manifestá: lokalidatnan den teritorionan rònt mundu ku ántes tabata kolonisá i kaminda komèrsio di hende sklabisá i sklabitut tabata tuma lugá te na su abolishon, kousando destabilisashon pa henter e komunidat. E interkambio aktual entre pasado di sklabitut i su konsekuensianan ta un tópiko kompliká ku a influensia e relashonnan estatal aktual entre metròpolis ku èks kolonianan i te ainda e ta sigui ehersé e influensia akí, entre otro den e manera ku politikonan ta manehá esaki. No ta solamente den historia sklabitut a laga su markanan profúndo, ma tambe

por detektá su konsekuensianan di durashon largu den diferente komunidad. Ta pesei refleksyon adishonal tokante di e ròl i influensia di sklabbitut den nos komunidad aktual ta nesesarío. Tambe falta pone mas lus riba maneranan ku sklabbitut te ainda ta sigui afektá prosesonan kultural.

Rekonosementu di e pasado di sklabbitut i su konsekuensianan a traves di tempu hopi biaha ta ligá na e lucha pa outonomia i derecho di outodeterminashon, tantu riba nivel individual komo kolektivo (sosiedat- i estadonan). Esaki por manifestá su mes den un búskeda pa- i rekuperashon di identidatnan kultural pèrdí, rekonosementu di inhustisianan históriko i ekonómiko, eksigensia di hustisia hurídiko den forma di kompensashon, pagonan di kompensashon òf otro forman di rekonosementu hudisial i komo señal di reparashon i sanashon. E ta enserá tambe ku mester re-evaluá símbo- i monumentonan asociá ku pasado di sklabbitut, manera eliminashon di estatua di personahenan históriko kolonial ku tabata involví ku sklabbitut.

Ainda falta hopi mas investigashon tokante konsekuensianan di pasado kolonial. Den e sekshon akí di e Kompilashon di Konosementu ta trata e impakto duradero i e efektonan kontínuo ku ta resaltá kada be den nos interakshonnan diario ora ta trata di pasado di sklabbitut i su konsekuensianan den reino hulandes i komunidadnan rònt mundu ku ántes tabata sklabisá.

### Retraso, rasismo i kolorismo

Den komunidadnan ku histórikamente a brega ku sklabbitut i kolonialismo, ku frekuensia podernan kolonial a instalá hierarkía- i privilegio basá riba koló. Den temporada di sklabbitut tabata balotá hende di desendesia afrikano i asiátiko a base di nan koló i esaki no solamente tabata influensia nan posishon sosial, sino tambe e trato ku nan tabata risibí: tabata konsiderá kolónan mas kla komo algu superior i bunita kompará ku koló mas skur. E fenómeno akí ta konosí komo kolorismo: diskriminashon òf prehuisio den komunidad basá riba matisnan di koló kla pa koló mas skur. E konvikshonnan i aktitutnan akí a sigui vigente despues di sklabbitut i a sigui eksistí den strukturanan (post) kolonial i ta

orígen di e kolorismo aktual. Den komunitatnan di awendia ta sosodé ainda ku koló di bo kueru ta influensíá aktitut i komportashon di hende pa ku otro. Blikiamentu di kutis – uso di prodúktonan kímiko, kremanan i otro método pa hasi bo kutis mas kla- ta un konsekuensia direkto di kolorismo. Ku esaki hende ta purba hasi nan koló mas kla, no solamente komo un fenóméno di moda, pero tambe pa kumpli ku normanan kultural di bunitesa.<sup>15</sup> E relashon entre sklabbitut i rasismo aktual, kolorismo, rasismo i retraso ekonómiko ta meresé mas atenshon.

- a) Proporsjonalmente e kantidat di desendiente di esnan sklabisá den reino hulandes presente den enseñansa, stazje, merkado laboral i doño di kas òf propiedat, ta mas abou ku esun di hulandesnan ku no a forma parti di historia di pasado kolonial. Ta importante tambe pa tene na bista ku e pasado kolonial di sklabbitut ta algu ku tin un rabu largu. Ta trata di e konsekuensia ku e tin riba posibilidatnan limitá òf eksklushon pa haña enseñansa i formashon durante di era kolonial, e contenido di e kuríkulo kolonial (inkluyendo e falta di dokumentashon di historia komun di pasado di sklabbitut den enseñansa) ku tabata duna na Hulanda, islanan di Karibe, Sürnam i Indonesia di e tempu ayá, pero tambe awor. Un infrastruktura desbalansá ku a krese asina histórikamente ta manifestá su mes entre otro den merkado di bibienda i (falta di) kapital i propiedat inmóbil. Pa esnan sklabisá tabata imposibel pa generá kapital for di herensia di bibienda òf tereno, miéntras doñonan di hende sklabisá sí por a pasa nan propiedatnan ekstenso pa siguiente generashonnan. E forman akí di desigualdat a sigui ehersé nan influensia riba desendentenan di hende anteriormente sklabisá den nos komunitat pa hopi tempu despues di abolishon di sklabbitut. Kon e desigualdatnan akí a

Harry Hoetink ta usa e término 'somatisch normbeeld' mas bien den relashon ku su estudio di relashonnan rasial i étniko, ku un enfoke riba Latino-Amérika. El a aportá na kompromedementu di e manera ku tabata usa karakteristiknan fisiko i konseptonan rasial pa krea i mantené normanan sosial, prinsipalmente den konteksto di sosiedatnan kolonial i pòst- kolonial.

forma den komunitatnan (anteriormente) sklabisá i na Hulanda, kua ròl institushonnan kolonial i otro aktornan a okupá den esaki i ki influensia esaki a sigui ehersé di generashon pa generashon?

### **PARA: E TERENO ATKERÍ PA ESNAN KU TABATA SKLABISÁ**

Den distrito Para na Sürnam desendientenan di hende sklabisá afro-surinameo a logra kumpra tereno ku ántes tabata un plantashi. Despues di abolishon di e sistema di sklabitut ku a dura te ku 1 di yüli 1873, produkshon i eksportashon di kòfi ku kòkou na Sürnam a práktikamente desaparecé. Den e periodo akí ku ekonomia di plantashi tabata pèrdè forsa, e paranonan a uni forsa pa kolektivamente kumpra e plantashinan for di doñonan kolonial, ku a haña nan mes obligá na stòp nan ‘negoshi’ i pone nan plantashi na findishi. E pensamentu prinsipal den esaki tabata e prinsipio di desaroyo di komunitat komo un kolektivitat: no a kuminsá repartí tereno di agrikultura segun kabes di famia, pero a mantené e terenonan komo poseshon kolektivo, pa evitá ku por a bende nan i kore e riesgo ku desendientenan lo keda desampará sin tereno propio. E kumpramentu di plantashinan ku entre otro tereno pa agrikultura, hogar, santana, palu di fruta i un riu ku hende por baña den dje, komo propiedat kolektivo tabata posibel danki na e plaka ku nan a akumulá ku benta di produktonan di palu i agrikultura. Te dia di awe e forma kolektivo akí di propiedat ta vigente na Para.<sup>16</sup>

40

- b) E relashonnan sosial desigual den paisnan ku tabata kolonia i nan desendientenan ta rekerí mas konosementu tokante opstákulonnan formal i informal ku a i ta limitá desendientenan di esnan sklabisá pa partisipá di forma digno den komunitatnan hulandes. Aki no ta trata solamente di eksigensianan formal pa logra den enseñansa, pa ingreso di trabou òf pa siudadania ku ta eksihí desendientenan kumpli kuné, pero ta trata tambe di konvishonnan ku ta determiná kua tipo di hende ta ser konsiderá adekuá den



proseduranan di selekshon i evaluashon na trabou. Investigashon riba diferente tereno ta importante pa por komprondé e konsekuensianan di e opstákulonon akí mihó, tantu esnan formal komo esnan informal.

Asina por konsiderá por ehèmpel investigashon eksperimental pa deskubrí e influencia ku un hende su nòmber, fam, desendensia i apariensia tin na momentu di kore stazje den evaluashon durante prosesonan di solisitut pa haña trabou i apresiashon pa optené promoshon i krese den un karera di trabou.

## DISKRIMINASHON DEN MERKADO LABORAL

For di investigashon eksperimental den situashon eksistente resien den merkado laboral hulandes, a sali na kla ku ta diskriminá kandidato potensial di desendensia europeo, norte amerikano òf asiátiko konsiderablemente ménos ku kandidatonan di desendensia latinoamerikano, afrikano òf di Medio Oriente. Partikularmente tabata marginalisá gruponan ku tabata desendiente di sklabitut transatlántiko òf di e régimen kolonial hulandes. Den un estudio resien e efekto ku koló tin riba eskohonan na trabou a sali na kla ora di forma eksperimental a manipulá portrèt di kandidatonan laboral fiktísio di moda ku e mesun hende a aparentá sea un koló mas kla òf mas skur. A resultá ku kandidatonan koló skur a haña ménos reakshon ku esnan ku koló mas kla, ni maske kiko nan desendensia tabata.<sup>17</sup> Te ainda investigashon no a duna sufisiente atenshon sistemátiko na e patronchinan akí di diskriminashon den merkado laboral di Hulanda i e relashon entre koló di kueru, gruponan di desendensia kolonial i konsekuensianan di esaki den komunidat aktual.

41

- c) E trato di dòkternan i personal di kuido den siensia médiko i salubridat tin komo punto di salida den hopi kaso, un ‘pashènt-modelo’ esta un hòmber europeo koló kla. Esaki no ta na

17

Lex Thijssen, “Werkt het Nederlandse koloniale en trans-Atlantische slavernijverleden door in hedendaagse discriminatie en racisme op de arbeidsmarkt?” Den: *Doorwerkingen van het slavernijverleden: Meervoudige perspectieven op de relatie tussen heden en verleden* (Den Haag: Staatscommissie tegen Discriminatie en Racisme, 2023, 63-71.

bentaha di komunitatnan den diáspora, pasobra produkshon di konosementu tokante malesa, indikashon- i instruksjon médiko, teknologia medisinal, preskripsjon di remedi i estudio di medisina apénas ta konsiderá diversidat.<sup>18</sup> Esaki a resultá konsekuentemente den konklushonnan eróneo, tratamentunan i aktitut inadekuá ku no ta kuadra ku pashènt ku no ta europeo i rechaso di pashènt prosedente for di e diferente komunitatnan post-kolonial pa sigui tratamentunan basá riba medisina konvensional. Ta nesesario pa investigá kon desendientenan di esnan sklabisá ta eksperensia nan kurpa físikamente i mentalmente, kon nan ta eksperensia salú, doló, malesa, tratamentu, kuido i medikashon. Banda di esei por investigá otro formanan di konosementu tokante kurashon ku ta komplementá medisina konvensional (manera bañonan di yerba òf medisina chines) i kurandero (tambe yamá shaman òf dukuns), ku ta duna tratamentu no konvenshonal na hende malu.

## SALÚ I HENDE SKLABISÁ

**Durante e temporada di sklabitut transatlántiko siruhánonan di barku, dòkter- i médikonan tabata hunga un papel importante pa kuido di salú di tantu tripulashon komo esnan sklabisá. Tabata konsiderá malesanan ku ta pega komo un peliger serio pa komèrsio di hende sklabisá, ekonomia di plantashi i kolonialistanan europeo. Komo tabata konsiderá hende sklabisá un riesgo pa salú públiko, dòkternan tabata saminá nan tantu na momentu ku nan tabata embarká na Afrika, Asia òf otro lugá komo na nan yegada na e kolonianan. E médikonan no tabata konsiderá hendenan sklabisá komo pashènt ku tabatin nesesidat di kuido, pero komo merkansia ku ta na benta i ku mester a mantené bon di salú pa trabou. Den komunitatnan kolonial a konsiderá kurpa di hende sklabisá komo opheto disponibel pa eksperimentonan médiko**

i esaki a sigui vigente hopi tempu despues di abolishon di sklabbitut. Den algun kaso médikonan hasta tabata kere ku sierto 'rasa' no ta sinti doló di e mesun manera ku european, loke a kondusí na práktikanan inhumano i immoral, kaminda tabata operá hende sklabisá sin usa anestesia. Den algun kaso tabata kumpra hende sklabisá ku malesanan spesífiko ku e meta pa hasi eksperimento médiko ku nan pa asina produsí 'konosementu médiko'. Pues for di un prinsipio siensia i konosementu médiko tabata karakterisá pa ideologianan rasial ku konsekuensianan profundamente negativo pa hende sklabisá. Te ainda bo por topa ku konklushonnan eróneo den mundu di medisina ku ta referí na 'rasa' di hende.

### E sírculo sosial di desendientenan di hende sklabisá

Sklabbitut ta konta ku momentunan ku tabatin un influensia profundo i largu riba bida sosial di esnan sklabisá: el a kuminsá ku separashon di esnan sklabisá for nan rais sosial i kultural, siguí pa desplasmentu fòrsa for di nan tera i un biaha largu pa yega na teranan leu i el a finalisá ku un bida inhumano kolmá ku violensia diario imponé pa e sistema kolonial di sklabbitut. Kon e pasado aki a sigui influensia e sírculo sosial aktual di desendientenan di hende sklabisá, ta un tema ku meresé atenshon sientífiko mas aleu.

43

- a) Ta importante pa investigá relashonnan di famia i relashonnan di sekso pa sekso di e desendientenan di hende sklabisá. Di ki manera e pasado di sklabbitut tabatin influensia riba desaroyo di struktura familiar i relashonnan di hende pa hende a término largu i kon nan desendientenan ta duna contenido na esaki aktualmente? Kon ta konsiderá por ehèmpel ròl di tata? Ta posibel pa strukturanan familiar alternativo di ántes fortifiká patronchinan familiar aktual?
- b) E echo ku orígen geográfiko i étniko di esnan sklabisá ta desconosí, debí na e desplasamentu fòrsá ku a tuma lugá i nòmbenan nobo imponé durante temporada disklabbitut, tabatin konsekuensianan ku te dia di awe ta sigui afektá bida di desendientenan. Danki na e echo ku tin mas atenshon di esnan

sklabisá i nan desendientenan pa nan propio orígen i historia, nos a mira den e ultimo añanan ku tin hopi mas demanda pa investigashon genealógiko i di DNA. Sinembargo e konosementu i medionan disponibel tin un repartishon desigual: tin biaha no ta posibel pa desendientenan haña kontesta adekuá riba preguntanan práktiko i alabes fundamental ku nan ta hasi na fuentenan disponibel, tokante nan orígen, nòmber duná i famia. Asina ta resultá ku ta difisil pa desendientenan ku antepasadonan na islanan hulandes karibense òf di Indonesia ku ke kambia nan nòmber, komo e ta parti di un pasado di sklabitut, hasi esei, komo ku nan no por supstansiá nan búskeda den e archivonan pasobra e archivonan ta difisil pa buska den dje òf pasobra e informashon tokante hende sklabisá den nan ta hopi limitá. Esaki ta suprayá e importansia pa krea formanan nobo di investigashon i tambe aserkamentunan interdisiplinario (entre dokumentashon di historia, genealogia, archivismo, arkeologia i investigashon di DNA).

## INVESTIGASHON FOR DI FAM TE NA DI PALU DI FAMIA

E echo ku un hende ta karga un nòmber ku ta relatá na pasado di sklabitut por kousa orguyo, pero ei mes e por ta un peso mirá for di punto bista sosial òf sikológiko. Algun munisipio (entre otro Utrecht i Rotterdam) a krea un reglamentu pa antepasadonan di hende sklabisá, na moda ku nan por kambia nan fam sin niun gastu. For di investigashon a dedusí ku regístru di katibu i nòmbernan disponibel na Sürnam, islanan di Antia Hulandes i Nederlands-Indië di ántes, ta vínkulá ku famnan i pasado kolonial hulandes. E regístronan di Sürnam ta relativamente kompleto, pero esei no ta e kaso pa islanan di Antia Hulandes i Nederlands-Indië. Esaki ta nifiká ku tin hende ku ta karga fam ku tin vínkulo ku Hulanda su pasado di sklabitut, pero no ta konosí ta kua esakinan ta. Pa e gruponan akí mester tin mas atenshon pa investigashon históriko i genealógiko.<sup>19</sup>

Investigashon di palu di famia i DNA tambe por yuda desendientenan haña sa mas tokante nan orígen i nan antepasadonan. Investigashon komersial di DNA no ta suficiente

Sekshon II pa revelá origen di desendientenan di esnan sklabisá. E datonan derivá for di un investigashon di DNA no ta indiká for di kua pais un hende a originá, sino solamente e hendenan ku kende e ta kompartí su DNA kuné. E grupo di hende akí mes lo por a emigrá (den pasado) òf keda desplasá for di otro regionnan di forma fòrsá òf nò. Un tèst di DNA ta duna djis un indikashon global tokante bo origen geográfiko. Ademas e empresanan akí tin datonan limitá di referensia pa loke ta toka origen di desendientenan afrikano i asiátiko, loke ta pone ku resultadonan di tèstnan di DNA ta duna solamente variantenan hopi general ora ta toka desendensia afrikano i asiátiko. Pa por diferensia den marko di pais entre relashonnan den tribu, klèn i pela i ademas entre e kontinentenan lo tin mester di hasi mas ku djis un investigashon komersial. Por ehèmpel un banko di datonan di DNA di mihó kalidat por duna un mihó bista tokante malesanan hereditario, manera anemia kousá pa sikkelcel i talasemia, ku ta hereditario den famianan ku ta originá for di paisnan mediteráneo, Asia i Afrika i famianan ku ta originá di Sur-Oeste di Asia, India, China i Filipina.<sup>20</sup>

45

- c) E pregunta kiko ta nifiká pa a forma parti di un pasado violento i destruktivo, manera tabata e kaso ku pasado di sklabitut, ta bin dilanti: no solamente komo un kestion sientífiko, pero e ta tambe un un tema sosial hopi aktual. E ta relevante pa esnan ku ta bini for di diferente komunidat di desendientenan di hende sklabisá, pa e desendientenan di esnan sklabisá i pa e doñonan di plantashi (e dos kategorianan akí por koinsidí ku otro), i tambe pa esnan ku tin otro tipo di vínkulo, tin biaha mas indirekto ku e pasado akí. Kon nos por duna kuenta i rason tokante di e historianan akí komo suidadano interesá, apesar ku nos mes no a kontribuí direktamente na esaki, pero ainda te den presente, ta sea sigui tin probecho óf sinti molèster di tal pasado?

19 Weta: Marian van der Klein et al., *Verkenning basis voor naamswijziging in verband met het Nederlands slavernijverleden* (Utrecht: Wetenschappelijk Onderzoek- en Documentatiecentrum, 2022). <https://repository.wodc.nl/handle/20.500.12832/3227>.

20 Weta: 'Slavernijverleden,' Centrum voor familiegeschiedenis, <https://cbg.nl/kennis/themas/slavernijverleden/>.

## THE IMPLICATED SUBJECT (SUHETO IMPLIKÁ)

E investigadó di literatura Michael Rothberg a usa e término ‘suheto impliká’ pa indiká ku e distinsjon apsoluto entre agresornan (blanku), víktimanan (pretu) i públiko involví den historia di violensia no ta hustu teniendo kuenta ku e inhustisianan kometé den pasado i presente. I ni maske nos no ta direktamente involví den- ni a okashoná of kousa dañu òf trouma, tòg ta posibel ku nos ta sigui aportá na dje i perpetuá desigualdat- i práktika- òf régimennan violento. Rothberg ta boga pa internasionalismo i solidaridat mundial pa asina krea konekshon entre hende i pa kada ken konfrontá e echo ku nan tabata involvé den episodionan doloroso di pasado.<sup>21</sup> Ku e palabranan ‘e suheto impliká’ Rothberg ta kontinuá su estudionan anterior basá riba di ‘multidirectional memory’ (memoria multidirekshonal).<sup>22</sup> Den e studio akí e ta argumentá ku historianan di genosidio i kolonialismo ku ántes tabata konsiderá komo episodionan di pasado isolá, en realidat ta konektá pasobra kada un ta relatá na otro debí na e forman komparabel di eksklushon i opreshon ku a kousa nan. Esei ta krea espasio i solidaridat den ámbito sosial kaminda historianan basá riba memoria kultural òf identidat di grupo aworakí ta kompetí pa haña atenshon.

46

Otro dimenshon sosial ta religion: komo relashon di poder, komo un forma di memoria kultural i komo un kampo pa luchanan sosial. Nos no sa práktikamente nada tokante e dinámika entre sosiedatnan religioso, miéntras ku esaki ta dimensionnan ku netamente ta haña mas tantu atenshon serka desendentenan di hende sklabisá, manera por ehèmpel e relashon entre komunidatnan pentekostal afrikano i iglesianan di komunidatnan karibense. E eksperensia di rasismo tin influensia riba eskoho di un hende pa forma parti di un misa, tèmpep òf snoa? Ademas ta posibel pa via investigashon tokante religion ku ‘ritual studies’

21 Weta: Michael Rothberg, *The Implicated Subject: Beyond Victims and Perpetrators* (Stanford: Stanford University Press, 2019).

22 Weta: Michael Rothberg, *Multidirectional Memory: Remembering the Holocaust in the Age of Decolonization* (Stanford: Stanford University Press, 2009).

(studio tokante ritualnan religioso), formulá pregunta for di perspektiva práktiko-teológiko i litúrgiko, pa por pensa kon lo por duna aporte na rekonsiliashon i dialogo a traves di ritual- òf selebrashonnan religioso.

- d) E investigadó di literatura Marianne Hirsch a usa e palabra ‘postmemory’ (postmemoria) pa denominá e impakto ku eksperiensianan troumátiko ta kousa no solamente riba esnan ku a presensíá nan, pero tambe e transmishon di eksperiensianan troumátiko (konsiente- òf inkonsientemente) di un hende pa un otro hende: el a deskribí e proseso akí a base di investigashon efektuá ku esnan ku a sobreviví Holokousto. E hipótesis ku sklabbitut kolonial por a krea trouma, no solamente pa hendenan sklabisá sino tambe pa ‘kolaboradornan’ di e sistema, kende den forma di ‘postmemory’ a transmití esaki pa e siguiete generashonnan, meresé atenshon. No ta tur hende ta di akuerdo ku esaki. Algun hende inkluso ta nenga ku por tin transmishon intergenerashonal. E debate só kaba tokante e tema akí ta mustra ku mester bin investigashon adishonal. Posibel tópikonan di investigashon ta e impakto di un edukashon òf enseñansa ku kaminda tabata konsiderá violencia parti di disiplina (konsiderá kultura di manda i komandá òf kastigu físiko na skol i den famia). E posibel konsekuensianan físiko i mental di a ehersé òf eksperiensíá violencia di generashon pa generashon ta pidi pa un estudio adishonal.

### Kontinuashon di relashonnan kolonial den era postkolonial

E herensia di pasado di sklabbitut por tin influensia riba instabilidat polítiko i e desaroyo di relashonnan di estado entre èks kolonianan i metròpolis i tambe riba sistema di gobernashon di e èks-kolonianan mes. Konkretamente esaki por varia for di disturbionan polítiko, retonan pa yega na institushonnan stabil, e ròl di papiamentu/o, sranantongo òf hulandes den gobernashon i por ehèmpel e negligensia di barionan pover riba e islanan hulandes karibense ku formalmente a bira un munisipio hulandes. E islanan

hulandes karibense ta ekspresá ku e énfasis ku gobièrnu hulandes ta ehersé riba bon gobernashon (*good governance*) i un bon maneho finansiero ta un trato pa mucha chikí. Aki ta posibel pa papia di dualidat den e persepshon di *governashon*, kaminda diferente interesadonan òf gruponan tin diferente persepshon di kiko ta bon gobernashon. E dualidat akí lo por a surgi pasobra tin un persepshon diferente di balor, espektativa, antesedente kultural òf interésnan serka e partidonan involví. Pensa por ehèmpel riba e echo ku den 2023 minister Maduro di Aruba a suspendé e reunion ku Hulanda ku mester a duna kontenido na e aña konmemorativo, pa motibu ku diskushonnan tokante re-finansiamentu di e supuesto fiansa-di-corona i supervision finansiero di Hulanda a stanka. Aruba a konsiderá esaki un aktitut kolonial. E yamada ku PVV a hasi na 2007 pa bende e (ainda yamá) Antiyas na esun ku ofresé mas riba Merkado Liber (Marktplaats), ta ilustrá e aktitut di algun polítiko na Hulanda. E konsekuensianan polítiko, estatal i internashonal ku a keda forhá den un relashon basá riba un historia di sklabilitut kolonial komun, ta puntonan ku mester di atenshon riba nan mes.

### Investigashon pa kurashon

Den e investigashonnan aktual tokante pasado di sklabilitut, no solamente mester tin un ròl mas grandi pa e narrativa di hendenan sklabisá sino tambe pa e nesesidatnan di nan desendientenan. Rekonosementu di e durashon largu di e pasado di sklabilitut i e nesesidat pa kurashon ta pidi pa generá forman nan nobo di investigashon.

Investigashon empírico, klíniko i históriko tokante di e impakto posibelmente troumátiko di e pasado di sklabilitut kolonial riba desendientenan lo ta parsialmente posibel, pasobra ta resientemente numa tin fuentenan dokumentá pa eskritornan i praktikantenan ku no ta kontené prehuiso òf informashon deformá. Ta pa e motibu akí e rekomendashon pa investigá kon a redaktá e pasado di sklabilitut i su impakto den historia oral, kontamentu di kuenta, provèrbionan (odo's) i mitonan ta na su lugá. Mester konsiderá un búskeda pa palabranan ku a bai pèrdí, idioma



i nòmbernan propio, pero tambe kon a forma kultura visual i di imahen, kon a krea mitonan nobo i kuantanan, segun e método di *critical fabulation*.

### CRITICAL FABULATION (FABULASHON KRÍTIKO)

E término 'critical fabulation' ta referí na un metodologia ku ta kombiná investigashon históriko i di archivo ku teoria crítico i kuantanan fiktísio. Ta un método ku e investigadó literario i outor Saidiya Hartman a desaroyá den su práktika sientífiko pa di forma produktivo duna nifikashon na e bashí den e archivo di sklabitut transatlántiko, kaminda falta pa inkluí e bosnan di esnan sklabisá. Pa hasi esaki Hartman a usa material di archivo, bolbe lesa fuentenan históriko i yena e bashinan añadiendo su mes bos i biografia. Hartman ta usa diferente fuente kultural: míto-, provèrbionan, diario, outobiografia, tekstonan legal, kuantanan kontá i traspasá pa esnan sklabisá, kansionnan, baile, etc. E ta komplementá e 'non history' (falta di historia) di esnan sklabisá ku e método di 'critical fabulation', ya ku sklabitut no tin dokumentashon tradishonal di su historia debí na e falta di- i eliminashon di fuentenan (dokumentá). Di e manera akí por generá dokumentashon nobo i crítico di pasado.<sup>23</sup> E grupo de teatro Sites of Memory ta hasi uzo di e método di 'critical fabulation' pa krea kuantanan tokante Hulanda i su èks kolonianan ku a keda skondí òf ku no a bin dilanti sufisientemente. Inspirá pa e similaridatnan den arkitektura, idioma i kultura Sites of Memory ta konta historianan kompartí pa un públiko mas amplio posibel.<sup>24</sup>

49

- a) Ademas di historia oral, kontamentu di kuenta i *critical fabulation*, awor tin *embodied knowledge* un manera nobo pa aserká e pasado di sklabitut kolonial. Ta sali for di punto di bista ku no ta tur ora tabata por (òf tin mester di) verbalisá memoria (traspasá), pero ku por almasená nan den bo kurpa komo *embodied knowledge* (*konosementu inkorporá*). A base di desaroyonan nobo den área di siensia serebral, investigashon

23

Weta: Saidiya Hartman, *Lose Your Mother: A Journey Along the Atlantic Slave Route* (New York: Farrar, Straus & Giroux, 2007).

24

Weta: <https://www.sitesofmemory.nl/>.

tokante formashon di vinkulo entre mente i kurpa i konsientisashon físiko e sikiatra Bessel van der Kolk a trese dilanti ku nos mente lo hasi tur su posibel pa suprimí tur memoria di esaki. E kurpa mes si nõ ta lubidá i ta revelá esaki entre otro ku aumento di hormona di strès i kontrakshon muskular inkluso despues ku ya pa hopi tempu no tin menasa mas. Pesei e ‘talking cures’ (kurashon a traves di papiamentu) di sikólogoanon i sikiatranan ku ta motivá hende pa papia tokante nan trouma ta no ta sufisiente: ta nesario pa regulá i sinkronisá mente í kurpa pa e persona por rekuperá.<sup>25</sup> Investigashon resiente ta eksplorá si ta posibel i kon ta posibel pa krea aksesu na e ‘archivo físiko’ ku ta almasená den un kurpa via baile, teater, arte di presentashon i muzik. Denter di e *embodied knowledge* ta investigá tambe kiko e posibilidatnan ta pa rekuperashon (kurashon) aplikando (re-) deskubrimentu i implementashon òf desaroyo di tradishon- i ritualnan.

50

## REKUPERASHON I KONEKSHON

E bailadónan i koreógrafonan Thomas Talawa Presto (Noruega) i Farida Nabibaks (Hulanda) ta investigá kon e memoria di desendientenan di hende sklabisá desendiente di diáspora di Afrika i Asia por haña forma literalmente, den nan práktikanan di baile teatral, kaminda moveshon, baile i muzik prosedente for di e diáspora por forma un konekshon ku e realidat di un pasado kibrá ku te ainda ta sigui kousa daño. Ademas nan ta diseñá a traves di e disiplinanan akí programanan pa rekuperashon, resiliensia i konekshon. Riba tereno di kurashon tin diferente persona mas aktivo, entre otro Richenel Ansano, antropólogo i miembro di Global Medicine Education Foundation, i Marian Markelo, Kurandero Winti, kende a traha komo dosente di enfermeria te dia el a bai ku penshun. Tur aña riba promé di yüli e ta hasi un sakrifisio di piedat durante konmemorashon anual di abolishon di sklabitut na Amsterdam. E aserkamentu di

25

Weta: Bessel van der Kolk, *The Body Keeps the Score: Brain, Mind, and Body in the Healing of Trauma* (Londen: Penguin Books, 2014).

- b) Ademas di e atenshon pa konkísta i kultivo di tera den un komunidad- i ekonomia di plantashi, e disiplina di *critical ocean studies* ta habri un tereno relativamente nobo pa e mundu di áreanan kostal, awanan i nabeganten. Aki no ta trata solamente di esnan ku a biaha laman boluntariamente (buskadó di hende sklabisá i nabegantenan relativamente pretu), sino tambe di esnan ku a krusa laman di forma obligatorio (hende sklabisá). Por konsiderá e oséanonan no solamente komo kanalnan di awa den kual hende tabata biaha sea obligatoriamente òf nò, pero tambe por mira nan komo un archivo: e lugá kaminda hende a eksperensíá situashonnan ku a marka nan, kaminda memorianan a nase i for di unda a traspasá esakinan. I komo un graf masal: graf di nabegantenan i lugá pa kurpa di esnan ku no a sobrebibí e biahe òf e transporte di hende sklabisá.

51

E bista akí di oséanonan humano ta ofresé oportunitat no solamente pa un manera nobo di archivá i investigá, sino tambe pa eksponé e *liquid continent* (kontinente líkido) komo mundu di nabegantenan pretu liber i komo tal un oportunitat pa hasi investigashon tokante resiliensia i rekuperashon di hende di koló. Partinan ekstenso di e èks-imperio kolonial hulandes tabata i ta sigui enfoká riba laman. Asina Kòrsou por ehèmpel por presentá un casestudy úniko. Danki na su ubikashon stratégiko e tabata un punto di eskala krusial pa barkunan ku tabata involví den komèrsio di hende sklabisá, habriendo tambe un bentana pa revelá e mundu di komersiante di hende sklabisá, hende sklabisá i nabegantenan pretu liber. E ekonomia marítimo di e isla meresé ademas mas investigashon.

**Enseñansa, patrimonio i forman di ekspreshon kultural**  
 Enseñansa, kultura i patrimonio ta stimulá konosementu i konsientisashon. Pa e motibu akí ta importante pa analisá di forma krítiko kon ta proyektá e pasado di sklabilitut den enseñansa, kultura i e paisahe sosial tantu na Hulandá komo na e partinan karibense di reino i èks kolonianan.

52

- a) Pa atendé ku pasado kolonial di sklabilitut, ta esensial pa komprondé no solamente echonan di pasado, sino tambe relashon- i problemanan aktual relatá na e pasado akí. Edukashon por yuda generá konsientisashon, kombatí prehuisio i stimulá un diskushon sano tokante di pasado di sklabilitut i su konsekuensianan. Ekspanshon di konsientisashon tokante historia di sklabilitut, su konsekuensianan i e manera ku ta atendé ku esaki, ta tuma lugá entre otro via un kuríkulo di skol ku ta enfoká riba kompreshon di historia i e impakto ku esaki tin riba komunidad. Esaki ta nifiká ku den algun kaso mester adaptá e kuríkulo di skol pa e ofresé un presentashon mas inklusivo di historia.
- b) Ta konsiderá e práktika di reforsá outo-konsiensia kultural i rekuperashon di práktikanan kultural komo un manera pa generá mas resiliensia i pa honra patrimonio. Ta resultá ku den e èks-kolonianan sklabilitut i e impakto di esaki ta parti krusial di patrimonio kultural lokal. E konsepto di sklabilitut i kolonialismo komo parti di patrimonio kultural ta varia mashá entre e kolonianan, èks-kolonianan i e èksmadre patria. Kon nan ta forma parti di debatenen tokante *nation building* (kreashon di nashon) i práktikanan di *nation building* sinembargo ta entéramente otro riba e islanan kompará ku e manera ku e debate akí ta tuma lugá na Hulanda.<sup>27</sup> Ta deseabel pa trese e diferensianan di enfoke ku tin entre kolonianan, èks- kolonianan i e

èksmadre patria dilanti pa elaborá riba e manera ku ta tradusí e diferente enfokenan pa asina inkluí nan den programanan di historia den enseñansa.

## PATRIMONIO KULTURAL DEN E PARTI KARIBENSE DI REINO

Museonan ta ofresé un plataforma pa presentashon i mantenshon di patrimonio kultural relashoná ku e pasado di sklabilitut. Pa hopi tempu tabata falta un kultura di museo den e èks- kolonianan, entre otro den e region karibense. Loke tabatin den museo tabata propiedat privá i e kolekshonnan tabata enfoká prinsipalmente riba e élite riku blanku. Te asta na momentu ku añadí aspektonan kultural lokal, esaki tabata tuma lugá for di perspektiva di e kolonisadó. Ta despues di independensia numá di hopi nashon karibense a kuminsá mira sierto kambio den e situashon akí.<sup>28</sup> Te ainda den komunitatnan karibense tin mas apresio pa otro forman di patrimonio kultural i no pa ophetonan den museo. Ta konsiderá kanto i baile komo elementonan kultural mas importante kompará ku kuadro- òf opheto, manera na Europa ta e kaso.

53 E preferensia akí pa forman di ekspreshon immaterial riba ophetonan material ta un refleho ku raisnan profúndo den e tradishon kultural den region di Karibe. Aki ta trata mas bien di forman bibu di arte ku tin enlase direkto ku komunitat, historia i identidat i ku ta forma e dinámika di ekspreshonnan kultural. E preferensia akí no solamente ta nifiká un aserkamentu diferente na patrimonio, ma e ta enfatisá tambe e naturalesa bibu di ekspreshonnan kultural den komunitatnan karibense. Artistanan i eskritornan ta hunga un papel krusial pa lansa kombersashonnan tokante pasado di sklabilitut, pa stimulá empatia, pa krea kompreshon i pa aportá na desaroyo di un memoria kolektivo. Nan obranan ta aportá na formashon di konsientisashon kítiko i kontribuí na e debate tokante hustisia i igualdat. Prinsipalmente artistanan hóben ta skohe performance art (arte di presentashon) pa hasi eksperiansianan di sklabilitut mas palpabel.

- c) Un manera ku ta atendé ku pasado di sklabitut ta su konmemorashon, loke ta trese eventonan krusial di pasado bèk den memoria di hende. E dianan di konmemorashon ta momentunan signifkante i dinámiko i nan ta sirbi pa formashon di e memoria kolektivo di un komunidad. E konmemorashonnan akí ta mantené e konsientisashon históriko bibu komo parti di patrimonio kultural. E manera ku hende ta duna forma i ta eksperensiá e konmemorashonnan tambe ta determinante pa e desaroyo di un identidat kolektivo. E diversidat di e konmemorashonnan hopi biaha ta un refleho di diversidat di historia i komposishon di e komunidadnan. Durante konmemorashon di sklabitut ta importante pa registrá e diferente perspektiva- i eksperiansianan, manera esun di komunidadnan indígeno i otro gruponan ètniko. Esaki ta aportá na un aserkamentu mas inklusivo di e historia. Tin nesesidat pa mas investigashon for di diferente perspektiva ku por indiká kon ta duna kontenido na e konmemorashonnan akí, e espasio ku esaki ta krea pa reflekshon i formashon di komunidad, pa asina por duna un bista riba e forma ku ta komprondé i duna siguiementu na prosesonan di formashon di nashon i práktikanan di formashon di nashon.

# Responsabilisashon

## Outornan

Prof.dr. Rose Mary Allen, Universidat di Kòrsou (UoC)

Dr. Esther Captain, Koninklijk Instituut voor Taal-, Land- en Volkenkunde (KITLV)

Prof.dr. Matthias van Rossum, Internationaal Instituut voor Sociale Geschiedenis (IISG) i Radboud Universiteit

Drs. Urwin Vyent, Nationaal Instituut Nederlands Slavernijverleden en Erfenis (NiNsee)

## Asistensia

Myrthe Kraaijenoord MA, Koninklijk Instituut voor Taal-, Land- en Volkenkunde (KITLV)

Eva Thielen MA, Koninklijk Instituut voor Taal-, Land- en Volkenkunde (KITLV)



## Tradukshon

Dijkhoff Learning Unlimited BV

## Ko-lesadó

Drs. Nancy Jouwe, outor i investigadó independiente

## Redakshon final

Dr. Ellen Klinkers

## Design

Lyanne Tonk

E publikashon akí ta parti di un proyekto ehekutá na enkargo di Ministerio di Asuntunan Interno i Relashonnan di Reino, a base di e petishon pa konosementu ku miembro di Tweede Kamer Ceder i su ko-firmantenan a hasi via di un moshon (datá 8 di yüli 2021). E moshon akí a pidi pa ofresé un bista tokante pasado di sklabitut i su konsekuensianan, kendenan

tabata esnan involukrá i kiko tabata e diferente efektonan di sklabbitut. Na man di e petishon akí a generá *Staat en slavernij*: un buki di eksplorashon inisial di pasado di sklabbitut hulandes i su konsekuensanan, e ròl ku estado i komunitat hulandes tabatin den esaki i e konsekuensianan mundial di esaki.

Durante di e último lunanan a traha riba e Kompilashon di Konosementu ku inventarisashon general di impreshonnan i preguntanan ku ainda falta investigashon i ku *Staat en Slavernij* a trese dilanti, ku adishon di konosementu di literatura (inter) nashonal mas relevante, skèn superfisial di áreanan sientífiko, entrevista ku personanan klave di generashonnan mas hóben i dos simposio organisá pa e komité di koordinashon: e dia di estudio ‘Nieuwe perspectieven op slavernijgeschiedenis’ (‘Perspektivanan nobo riba historia di sklabbitut: lokal, nashonal i global’) (11 di òktober 2023, Internationaal Instituut voor Sociale Geschiedenis (IISG) Amsterdam) i e simposio ‘Nieuwe inzichten en benaderingen in onderzoek naar en onderwijs van koloniaal slavernijverleden en de doorwerking in de Nederlands Caribische eilanden en Suriname’ (‘Konosementu i aserkamentunan nobo den investigashon i enseñansa di pasado kolonial i e konsekuensianan riba e islanan karibense i na Sürnam’) (10 di novèmber 2023, Universidat di Kòrsou, Willemstad). Na sèptember 2023 a tene seis entrevista tambe ku akadémikonan hóben i personanan klave ku ta atendé ku pasado di sklabbitut kolonial for di otro disiplinan ku no ta historia.

## ENTREVISTANAN KU AKADÉMIKONAN HÓBEN I PERSONANAN KLAVE

- **AMISAH BAKURI (VU)** tin un background den historia i relashon internashonal. Komo antropólogo Bakuri awor ta ehersé investigashon den e ‘afterlives’ di sklabbitut i e influensia di esaki riba identidat religioso di hende di Sürnam i Ghana.
- **DURWIN LYNCH (VU)** tin un background den siensia natural i maneho di inovashon, ku un enfoke riba inovashon den kuido. E ta hasi investigashon pa su posdoktorado tokante ‘healing and afterlives of colonialism’.
- **KIM DARBOUZE (KITLV)** ta un investigadó síkiko-sosial i konsehero. Su trabou ta enfoká riba kurpa humano komo



un konteniente di memoria históriko te den presente. Den su investigashon e ta konektá elementonan sikológiko (trouma/memoria), sosiológiko, antropológiko, ekonómiko, geopolítiko, teknológiko, polítiko i históriko di kolonialismo.

- JONATHAN TJIEN FOOH (VU) tin un backround den sikologia i antropologia kultural. E ta traha komo junior professor i investigadó na VU, instituto Athena, kaminda e ta konektá ku e proyekto Healing the Afterlives of Colonialism.
- ELIAS SIMONSE (Keti Koti Tafel) tin un backround den sosiologia i e ta un coach (transkultural) sistémiko. E ta guia hende di origen afro-Karibense ku ke investigá temanan manera pasado di sklabilitut, migrashon i trouma kolektivo.
- ALISON FISCHER (KITLV) tin un backround den siensia politiko i derecho. Fischer ta hasiendo investigashon pa optené un PhD tokante e tema kon konseptonan di rasa ta hunga un ròl den enseñansa hudisial hulandes i kon enseñansa hudisial ta enkahá den diskushonnan aktual tokante rasa i komunidadnan post-kolonial na Hulanda.

Investigashonnan di sklabilitut na siudatnan, provinsianan i organisashonnan

Brandon, Pepijn, Guno Jones, Nancy Jouwe i Matthias van Rossum, eds. *De slavernij in Oost en West: het Amsterdam-onderzoek* (Amsterdam: Spectrum, 2020).

Captain, Esther, Gert Oostindie i Valika Smeulders, eds. *Het koloniale en slavernijverleden van Hofstad Den Haag* (Amsterdam: Boom Uitgevers, 2022).

De Kok, Gerhard i Pepijn Brandon. *Het slavernijverleden van historische voorlopers van ABN AMRO: Een onderzoek naar Hope & Co en R. Mees & Zoonen* (Amsterdam, 2022).

Den Heijer, Henk i Gerhard de Kok. *Het slavernijverleden van Vlissingen: Een historiografische verkenning* (Amsterdam, 2021).

Doedens, Anne i Dick Berents. *De Bilt en zijn slavernijverleden* (Zwolle: Waanders Uitgevers, 2022).

Fatah-Black, Karwan, Lauren Lauret i Joris van den Tol.

*Dienstbaar aan de keten? De Nederlandsche Bank en de laatste decennia van de slavernij, 1814-1863* (Leiden: Leiden University Press, 2022).

Fatah-Black, Karwan, Lauren Lauret i Joris van den Tol. *Geketend voor Hollands Glorie: slavernij in de geschiedenis van de provincie Zuid-Holland* (Leiden: Leiden University Press, 2023).

‘Slavernijverleden en racisme.’ *Handelingen: Tijdschrift Voor Praktische Theologie En Religiewetenschap*, 50/1 (2023).

Heuser, Dillon i Matthijs Dicke. *Onderzoeksrapport slavernijverleden van Hoorn* (Hoorn, 2023).

Hoefte, Rosemarijn et al. *Koloniaal Haarlem* (Haarlem: Uitgeverij Loutje, 2023).

Van Holsteijn, Bart. *Van slavernij tot liefdadigheid? Een onderzoek naar de herkomst van het kapitaal van de Insinger Stichting in relatie tot slavernij en andere vormen van koloniale dwangarbeid* (IISG: Amsterdam, 2024).

Jouwe, Nancy, Matthijs Kuipers i Remco Raben, eds. *Slavernij en de stad Utrecht* (Zutphen:Walburg Pers, 2021).

58

Jouwe, Nancy, Gerrit Verhoeven i Ingrid van der Vlis. *Rapport slavernijverleden van Delft* (Delft, 2023).

De Leede, Bente i Martijn Stoutjesdijk, eds. *Kerk, kolonialisme en slavernij: verhalen van een vervlochten geschiedenis* (Utrecht: Kok Boekencentrum Uitgevers, 2023).

Oostindie, Gert. *Het koloniale verleden van Rotterdam* (Amsterdam: Boom Uitgevers, 2020).

Stam, Dineke i Gerard Snikkenburg. *Sporen van slavernij in Noord-Brabant* (2023).

Van Stipriaan, Alex. *Rotterdam in slavernij* (Amsterdam: Boom Uitgevers, 2020).

Van Velden, Esther, Marco Krijnsen i Martin van der Linde. *Overijssel en slavernij* (Zwolle: Wbooks, 2023).

Van Velden, Esther i Siert Wiering. *Deventer & Slavernij: Vooronderzoek* (Deventer, 2023).

## Rapòrt- i konsehonan

Regiegroep Nationaal Trans-Atlantisch Slavernijmuseum (NTASM), *Verkenningrapport ‘Met de kracht van de voorouders’* (Amsterdam, 2021).

- CARICOM, *CARICOM Ten Point Plan for Reparatory Justice* (2014).  
 Staatscommissie tegen discriminatie en racisme,  
*Doorwerkingen van slavernijverleden: Meervoudige  
 perspectieven op de relatie tussen verleden en heden* (Den  
 Haag, 2023).  
 Adviescollege Dialooggroep Slavernijverleden, *Ketenen van  
 het Verleden* (Amsterdam, 2021).  
 Slavernijverleden en doorwerking, *Justitiële Verkenningen*,  
 Jaargang 49, nummer 2 (juni 2023).

### Proyektonan digital konsultá

- Slavery Registers*, Nijmegen, [www.ru.nl/slavenregisters/](http://www.ru.nl/slavenregisters/)  
*Legacies of Bondage*, Radboud Universiteit / Platform Digital  
 Infrastructure, Coen van Galen (2020-2025),  
 Onderzoek Surinaamse bevolking tussen 1830 en  
 1950 | Radboud Universiteit ([ru.nl](http://ru.nl))  
*De Paramaribo wijkregisters*, Radboud Universiteit/CLARIA,  
 dr. T. van Oort (2023), *De Paramaribo wijkregisters* |  
 Radboud Universiteit ([ru.nl](http://ru.nl))  
*SlaveVoyages.org*, [www.slavevoyages.org/](http://www.slavevoyages.org/)  
*Exploring Slave Trade in Asia*, IISH, [www.esta.iisg.nl](http://www.esta.iisg.nl)  
*WIC-opvarenden (Seafarers of the Dutch West India Company)*,  
 Jirsi Reinders, Leiden University/Samenwerkende  
 Maritieme Fondsen/Stadsarchief Amsterdam  
 (2023-2024), *WIC-opvarenden (Seafarers of the  
 Dutch West India Company)* - Leiden University  
 ([universiteitleiden.nl](http://universiteitleiden.nl))  
*Juridische slavernijgeschiedenis*, dr. Guno Jones, VU, 2022-  
 2023 [vu.nl/nl/over-de-vu/meer-over/juridische-  
 slavernijgeschiedenis](http://vu.nl/nl/over-de-vu/meer-over/juridische-slavernijgeschiedenis)

### Guianan di investigashon

- Sources about slavery*, Nationaal Archief, [www.nationaalarchief.nl/en/slavery](http://www.nationaalarchief.nl/en/slavery)  
*Slavernij en slavenhandel in Nederlands-Indië, 1820-1900*,  
 Nationaal Archief en IISG, [www.nationaalarchief.nl/  
 onderzoeken/zoekhulpen/slavernij-en-slavenhandel-  
 in-nederlands-indie-1820-1900#collapse-1340](http://www.nationaalarchief.nl/onderzoeken/zoekhulpen/slavernij-en-slavenhandel-in-nederlands-indie-1820-1900#collapse-1340)